



十三經注疏

左傳二十

476
90

九十



門 口 12
號
卷

附釋音春秋左傳注疏卷第五十

昭
十一年
十三年

杜氏注

孔穎達疏

經二十有一年春王三月葬蔡平公○夏晉

侯使士鞅來聘晉頃公即位通嗣君。頃音傾。○宋華亥向寧華

定自陳入于宋南里以叛自外至故曰入披其邑故曰叛南里宋城內里

名。披。疏。注自外至里名。正義曰賈逵云書入華疆兒

普彼反。疏。弟作亂召而逆之是賈以此入從國逆之例也

釋例曰春秋稱入其例有二施於師旅則曰弗地在於復歸

則曰國逆國逆又以立為例逆而不立則非例所及諸在例

外稱入直自外入內記事常辭義無所取而賈氏皆以為例

如此甚多是杜意以賈氏逆之為非故云自外至故曰入以

顯異之也五年傳叔孫昭子數豎牛之罪云又披其邑將以

赦罪彼注云披析也此分析君邑以自屬已故曰叛也傳稱

華氏居廬門以南里叛宋城舊壙及桑林

之門守之知此南里是宋城之內里名

○秋七月壬午

東

18
90

朔日有食之○八月乙亥叔輒卒

叔弓之子伯張

○冬

蔡侯朱出奔楚

朱為大子則失位遂微弱為國人所逐故以自出為文

○公

如晉至河乃復

晉人辭公故還

傳二十一年春天王將鑄無射

周景王也無射鐘名律中無射○鑄

之樹反射音亦注同中丁仲反疏注周景至無射○正義曰周語云景王射單穆公曰不可作重幣以絕民資又鑄大鐘以鮮其繼三年之中而有離民之器二焉國其危哉王不聽問之伶州鳩州鳩對王又弗聽幸鑄大鐘二十四年鐘成二十五年王崩孔晁於二十四年注云昭二十一年如彼文則此年鑄鐘成之年而傳云將鑄無射者此為州鳩之言張本州鳩以未成之時為此言故此年發傳而言將也州鳩此下之言與周語州鳩之言全不同者彼是對王之問此是自言其事異特別言故不同也周語及此皆論鐘事故云無射鐘名其聲於律應無射之管故以律名名鐘襄十九年孝武子作林鐘亦是鐘聲應林鐘之律也此無射之鐘在王城鑄之敬王居洛陽

蓋移就之也秦滅周其鐘徙於長安歷漢魏晉常在長安及劉裕滅姚泓又移於江東歷宋齊梁陳時鐘猶在東魏使魏收聘梁收作聘遊賦云珍是淫器無射高縣是也及開皇九年平陳又遷於西京置大常寺時人悉共見之至十五年勅之冷州鳩曰王其以心疾死乎伶樂官州鳩其名

或作冷

夫樂天子之職也

職所主也

夫音樂之興也

樂因音

而鐘音之器也

音由器以發

天子省風以作

樂

省風俗作樂以移之

疏

注省風至移之○正義曰漢書地理志曰凡民函五常之性而有剛柔緩急音聲不同繫水土之風氣故謂之風好惡取舍動靜無常隨君上之情欲故謂之俗是解風俗之名但風俗盛衰隨時隆替國之將滅風散俗煩天子新受命者省此風俗之敝乃作樂以移之孝經曰移風易俗莫善於樂孔安國云風化也俗常也移大平之化易衰敝之常也地理志以風為本俗為末言聖王在上統理人倫必移其本而易其末此混同天下一之乎中和然後王教成是說作樂移風之事也

器以鐘之

鐘聚也以

輿以行

之

樂須音而行

疏

器以至行之。正義曰：為上言鐘音之器也。故此云器以鐘之言器以鐘聚其音又

上言音樂之興也。故此云與以行之承上語不倫者亦猶易繫辭云天尊地卑乾坤定矣。卑高以陳貴賤位矣。隨文便而言。

耳

小者不窕

窕細不滿。窕他彫反。

大者不槩

槩橫大不入。槩戶化反。

疏

小者至不槩。正義曰：言小不至窕則窕是細之意也。大不至槩則槩是大之義也。說文云：窕深肆極也。由細

故能極於深是窕為細不滿謂不能充滿心也。槩聲近橫故為橫。大心所不容故不入心也。下窕則不成。咸如字本或作暗反。

於耳而藏於心心億則樂

億安也。億於力反。樂音洛。

窕則不

咸

不充滿人心。咸如字本或作感。戶暗反。

槩則不容

心不堪容。

心是以感

感實生疾今鐘槩矣王心弗堪其能久乎

明為

年天王崩傳

○三月葬蔡平公蔡大子朱失位位在

甲

不在適子位以長幼齒。適丁歷反。長丁丈反。

疏

注不在至幼齒。正義曰：喪大記：記國君初死之禮

云：既正尸，子坐于東方，卿大夫父兄子，姓立于東方，有司庶士哭于堂下，北面。鄭玄云：正尸者謂遷尸，牖下南首也。子姓謂眾子孫也。姓之言生也。其男子立於主人後，彼言子坐東，方謂大子即鄭所謂主人也。彼初死之時，即別適庶，況其至葬，君道成矣。大子失其位，明其不在適子位也。位在甲是以長幼為齒，蓋處其庶兄之下。

者歸見昭子昭子問蔡故以告昭子歎曰蔡

其亡乎若不亡是君也必不終詩曰不解于

位民之攸壑

詩大雅壑息也。解佳賣反。壑許器反。

今蔡侯始即位

而適甲身將從之

為蔡侯朱出奔傳。

夏晉士鞅來聘

叔孫為政

叔孫昭子以三命為國政。

季孫欲惡諸晉

憎叔孫在已上。

位欲使得罪於晉。惡烏路反。

使有司以齊鮑國歸費之禮為

士鞅

鮑國歸費在十四年牢禮各如其命數魯人失禮故為鮑國七牢。費音祕故為于偽反。**疏**注國至七牢。正義曰十四年傳曰司徒老祁慮來歸費齊侯使鮑文子致之是鮑國歸費之事也杜以周禮掌客云上公饗餼九牢侯伯七牢子男五牢以諸侯牢禮各以其命數卿大夫來者亦當牢禮如其命數計鮑國齊卿不遇三命於法當三牢而魯人失禮為鮑國七牢也下云加四為十一知本七也劉炫云案聘禮使卿主國待之饗餼五牢則臣之牢禮不依命數鮑國禮當五牢加二牢耳今知非者杜以掌客諸侯牢禮各依命數以卿大夫无文故杜據諸侯言之不謂卿大夫以下亦依命數而劉以鄭注掌客爵卿大夫以下亦依命數而劉以鄭注掌客爵士鞅怒。正義曰七牢於禮厚矣而鞅怒者但陳設為鞅鞅必不怒其時魯人報云鮑國之禮鞅遂怒其輕已曰**疏**鮑國之位下其國小而使鞅從其牢禮是卑

敝邑也將復諸寡君魯人恐加四牢焉為十

一牢言魯不能以禮事大國且為哀七年。宋華費遂

生華驅華多僚華登驅為少司馬多僚為御

士

公御士。驅物俱反少詩照反。

與驅相惡乃譖諸公曰驅將

納亡人

亡人華亥等。惡如字又鳥路反。

亟言之公曰司馬以吾

故亡其良子

司馬謂費遂為大司馬良子謂華登。亟欺冀反。

疏

亟言之。正義曰服

虔云亟疾也疾言之欲使信則服虔讀為亟也或當為亟亟數也數言之

死亡有命吾不可

以再亡之對曰君若愛司馬則如亡

言若愛大司馬則當

死如可逃何遠之有

言亡可以逃死勿慮其遠以恐動公公懼

使侍人召司馬之侍人宜僚飲之酒而使告

司馬

告司馬使逐驅飲於鳩反下同

司馬歎曰必多僚也吾有

讒子而弗能殺吾又不死抑君有命可若何

乃與公謀逐華貍將使田孟諸而遣之〔疏〕抑

有命可若何。正義曰抑語助若如也言吾有讒子謂多僚也雖知其讒既不能殺多僚華貍雖杜為君有逐貍之命可如何言無如之公飲之酒厚酬之酬酒幣賜及從者

司馬亦如之亦如公賜從才用反張句尤之張句華貍臣尤怪賜之厚。句

古害反本亦作巧曰必有故使子皮承宜僚以劍而訊

之子皮華貍訊問也。訊音信宜僚盡以告告欲因田以遣之張句欲

殺多僚子皮曰司馬老矣登之謂甚言登亡傷司馬心已

甚吾又重之不如亡也五月丙申子皮將見

司馬而行則遇多僚御司馬而朝張句不勝

其怒遂與子皮曰任鄭翩殺多僚任翩亦韞家臣。重直用

反見賢遍反勝音升任音王翮音篇劫司馬以叛而召亡人壬寅華

向人樂去心豐愆華恠禦諸橫梁國睢陽縣南有橫亭。愆起

虔反本或作衍睢音雖華氏居盧門以南里叛盧門宋東城南門六

月庚午宋城舊鄘及桑林之門而守之舊鄘故城

也桑林城門名。鄘音容本或作墉。秋七月壬午朔日有食之公

問於梓慎曰是何物也禍福何為物事也對曰

二至二分二至冬至夏至二分春分秋分日有食之不為災日月

之行也分同道也至相過也二今日夜等故言同道二至長短極故相

過〔疏〕分同至過也。正義曰日月之行交則相食自然之

理但日為君象月為臣象陰既侵陽如臣掩君聖人未作正當陽盛之時不宜為弱陰所侵以為大忌此月日食

災最重也餘非陽盛之月為災稍輕至於分至之月日食即
不為災又解不為災之意以二分晝夜等似其同一道二至
長短極並行則相過以為理必相侵故言不為災劉焯云此
皆假其事以為等差其實災之大小不如此也且詩云十月
之交朔月辛卯日有食之亦孔之醜先儒以為周之十月夏
之八月秋分之月也而甚可醜惡七年四月甲辰朔日食春
分八月也而云魯衛惡之衛大魯小安在乎二分之分食不為
災足明此是先賢寓言非實事也。注二分至相過。正義
日日之行天一日一周月之行天二十九日有餘已得一周
日月異道互相交錯月之一周必半在日道裏從外而入內
也半在日道表從內而出外也或六入七出或七入六出凡
十三出入而與日一會麻家謂之交道通而計之一百七十
三日有餘而有一交交在望前朔則日食望則月食交在望
後望則月食後月朔則日食此自然之常數也交數滿則相
過非二至乃相過也傳之所言以二分日夜等者春分之時
朔則日在婁望則月在角秋分之時朔則日在角望則月在
婁婁角是天之中道日月俱從中道故晝夜等似有體敵之
理月可敵日冬至之時朔則日在斗斗并南北晝夜長短之極
朔則日在井望則月在斗斗并南北晝夜長短之極似若月
之極長可以掩日然故云至相過謂絕相縣殊也此至唯冬

至耳言二至者全句以成文此皆假託以為言也以日者天
之大明人君之象不可虧損故於正陽之月未法為重於分
至之月其害為輕於餘月之食其
災為水假之以垂訓非實事也 其他月則為災陽

不克也故常為水 陰侵陽是 疏 其他至為水。正

至之月則為災日食是陰侵陽是陽不勝也故日食常為水
災莊二十五年六月日食秋大水此二十四年五月日食梓
慎曰將水昭子曰旱也其年八月大雩旱也則亦不是常為
水也又七年四月甲辰朔日食春分之月而云魯衛惡之常
水之言既無其驗足知是
賢聖假託日食以為戒耳 於是叔輒哭日食 憂在於是

昭子曰子叔將死非所哭也八月叔輒卒○

冬十月華登以吳師救華氏 登前年 齊烏枝鳴

成宋 烏枝鳴 廚人濮曰 濮宋廚邑大夫。軍志有

之後先人有奪人之心後人有待其衰盍及其

勞且未定也伐諸若入而固則華氏眾矣悔

無及也從之丙寅齊師宋師敗吳師于鴻口

梁國睢陽縣東有鴻口亭。先獲其二帥公子苦雒

悉薦反後戶豆反盍戶臘反偃州貞二帥吳大夫。帥色類反注華登帥其餘吳

師以敗宋師公欲出出廚人濮曰吾小人可

藉死可借使死難而不能送亡君請待之請君

戰決勝負。難乃旦反而不能送亡君待復

句復扶又反下文復卽之同疏而不能送亡君。正義曰服虔以君上屬孫毓

以君下屬杜注乃徇曰楊徽者公徒也徇似

不明亦似上屬乃徇曰楊徽者公徒也微識也。徇似

反說文作微識本又作幟申疏注微識也。正義曰禮記

志反又音昌志反一音式疏大傳云聖人南面而治天

下必改正朔殊徽號鄭玄云徽號旌旗之名也周禮大司馬

云中夏教茷舍辨號名之用帥以門名縣鄙各以其名家以

號名鄉以州名野以邑名百官各象其事以辨軍之夜事鄭

玄云號名者微識所以相別也鄉遂之屬謂之名家之屬謂

之被之以備死事帥謂軍將及師帥旅帥至五長也以門名

者所被微識如其在門所樹者凡此言以也象也皆謂其制

同耳縣鄙謂縣正鄙師至鄰長也家謂食采地者之臣也鄉

以州名亦謂州長至比長也野謂公邑大夫百官以其職從

王者此六者皆書其官與名氏焉夜事戒夜守之事也草止

者慎於夜於是主別其部職如鄭此言則微識制如旌旗書

其所任之官與姓名於上被之於背以備其死知是誰之尸

也士喪禮云為銘各以其物亡則以緇長半幅頽末長終幅

廣二寸書銘于末曰某氏某之柩今之銘旌旗幡也此生之

微識如死之銘旌其制之大小蓋亦如銘旌也書其官名卽

今之軍記令其各自揚微欲知其助公多少如漢書絳侯之

令軍人云為眾從之公曰楊門見之見國入皆楊徽

劉氏者左袒門下而巡之曰國亡君死二三子之恥也豈

齊致死莫如去備

備長兵也。去起呂反。

彼多兵矣請皆

用劍從之華氏北復即之

北敗走。

廚人濮以裳

裏首而荷以走曰得華登矣遂敗華氏于新

里

新里華氏所取邑。裏音果荷何可反又音何。

翟僕新居于新里既戰

說甲于公而歸

居華氏地而助公戰。僕音力主反說他活反下注同。

華姓居

于公里亦如之

姓華氏族故助華氏亦如僕新說甲歸傳言古之為軍不皆小忿。姓他口反。

十一月癸未公子城以晉師至

曹翰胡

曹大夫。翰音寒又戶日反。

會晉荀吳

齊苑何忌

齊大夫。

衛公子朝

前年出奔晉今還衛。

救

宋丙戌與華氏戰于赭丘

赭丘宋地。赭音者丘又作亞同。

鄭

翩願為鸛其御願為鶩

鄭翩華氏黨鸛鶩皆陳名。鶩古喚反鶩五多反陳。

子祿御公子城莊董為右

子祿向宜。莊董音謹本或作莊董。

干犛御呂封人華豹張句為右

呂封人華豹。

尺由。疏。呂封人華豹。正義曰呂邑封人官名豹即下文。華豹釋例譜一人再見名字不同皆兩載之宋雜人內有呂封人豹華豹為一人知此本無華也今定本有華。

遇城還華豹曰城也城怒而反之

注豹則關矣

注傳矢關引弓。注之樹反關鳥。

曰平

公之靈尚輔相余

平公公子城之。

豹射出其間

將注則又關矣曰不狎

鄙

狎更也。謂華豹曰不更射為鄙。一曰城言我不。

出子城子祿之間。射食亦反又音食夜反下及注皆同。

謂華豹曰不更射為鄙。一曰城言我不

狎習故鄙然則豹已關矣何慮不射公子城何當屬之云不更射為鄙城方與豹相射此非謙讓之所又何須自言不習為鄙服之二說皆非杜亦訓狎為更言更遞也城謂豹女類射我不使我得更遞是為鄙也豹服此言故抽矢而止此豹亦不達軍之戰禮也

及而下

及長丈二在車邊。音殊長直亮反又如字。

射之折股扶伏而

擊之折軫

折城車軫。折之設反下及注同扶伏並如字上又音蒲下又蒲北反本或作匍匐同。

又射之死

死句干犖請一矢死求城曰余言汝於

君

欲活之。女音汝。對曰不死伍乘軍之大刑也同乘共伍

當皆死。乘繩

干刑而從子君焉用之子速諸

乃射之殪

殪又死。馮於虔反。大敗華氏圍諸南里華

亥搏膺而呼見華龜曰吾為樂氏矣

晉樂盈還入作

亂而死事在襄二十三年。搏音博呼好故反。龜日子無我廷不幸而後

亡

廷恐也。廷求枉反恐上勇反。使華登如楚乞師華龜以車

十五乘徒七十人犯師而出

犯公師出送華登食於睢

上哭而送之乃復入

入南里。睢音雖復扶又反。楚遠越帥

師將逆華氏大宰犯諫曰諸侯唯宋事其君

今又爭國釋君而臣是助無乃不可乎王曰

而告我也後既許之矣

為明年華向出奔楚傳。遠于委反。疏

唯宋事其君。正義曰言諸侯之內唯宋之臣民善事其君古以前未嘗有叛逆者也俗本或無其字若無其字則是唯宋事楚檢於時宋國不屬楚也。王曰而告我。蔡侯朱也後。正義曰謂大宰犯諫在華登出師之後。出奔楚費無極取貨於東國。東國隱太子之子平侯廬之弟朱叔父也。

而謂蔡人曰朱不用命於楚君王將立東國
 若不先從王欲楚必圍蔡蔡人懼出朱而立
 東國朱愬于楚楚子將討蔡無極曰平侯與
 楚有盟故封盟于鄧依陳蔡人愬音素其子有二心故廢
 之子謂朱也靈王殺隱太子其子與君同惡德君
 必甚德君必甚○正義曰荷恩謂之德言荷君恩必甚也又使立之不亦
 可乎且廢置在君蔡無他矣言權在楚則蔡無他心○公如
 晉及河鼓叛晉叛晉屬鮮虞晉將伐鮮虞故辭公
 將有軍事無暇於待賓且懼泄軍謀○泄息列反又以制反

經二十有一年春齊侯伐莒○宋華亥向寧

華定自宋南里出奔楚言自南里別從國去○別彼列反○大

蒐于昌間無傳○蒐所求反間如字○夏四月乙丑天王崩

六月叔鞅如京師葬景王叔鞅叔弓子三月而葬亂故速○鞅於丈反

王室亂承叔鞅言而書之未○疏注承叔至曰亂○正義曰傳曰叔鞅至自京師

言王室之亂是魯史承叔鞅之言而書之也閔馬父聞叔鞅之言乃遙度其事云子朝必不克是未知誰是誰非也故史但書曰亂不言某人某人為亂魯史書事必待告乃書傳聞行言不書之此承叔鞅之言即書策者魯是周之宗國既聞王室之亂義當釋位救之魯聞周亂所憂在己承言即書見魯之憂王室也公羊傳曰何言乎王室亂言不及外也其意言兄弟爭位室內自亂其亂不及外國故指言王室也○劉子單子以王猛居
 于皇河南鞏縣西南有黃亭辟子朝難出居皇王猛書名未即位○單音善鞏九勇反難乃且反○疏注辟子至即位○正義曰傳曰鞏簡公敗績于京甘平公亦敗焉單子欲告急於晉以王如平時遂如圃車次于皇是辟

子朝之難出居皇也王人以此在皇告故書皇也景王既葬猛當成君仍書名者王室大亂未得以禮即位故也如莒展弒君而立未會諸侯元年書莒展與出奔吳鄭忽嗣父而立鄭人賤之不以爲君桓十一年書鄭忽出奔衛然則未成君者法當書名此王猛雖未即位異於諸侯故稱王而以名繫之劉炫云以王當國亦如莒展以名繫國也 ○秋

劉子單子以王猛入于王城

○鄭古治 王城邾鄆今河南縣

反鄆音辱 ○冬十月王子猛卒 未即位故 疏 注未

言崩 ○正義曰未即位不成爲王故不言崩也書王子猛卒者未成爲君繫父言之故稱子猶魯之子般子野卒 ○

十有一月癸酉朔日有食之 無傳此月有庚戌又以長麻推校前後當

爲癸卯朔 疏 注此月云云 ○正義曰案傳十二月庚戌晉書癸酉誤 籍談云云庚戌上去癸酉三十七日若此月

癸酉朔其不得有庚戌也又傳十二月下有閏月晉箕遺云云又云辛丑伐京辛丑是壬寅之前日也二十三年傳曰正月壬寅朔二師圍郊則辛丑是閏月之晦日也又計明年正月之朔與今年十二月朔中有一閏相去當爲五十九日此

年十二月當爲癸卯朔經書癸酉明是誤也故言長麻推校十一月小甲戌朔傳有乙酉十二日也又有己丑十六日也十二月大癸卯朔傳有庚戌八日也閏月小癸酉朔傳有閏月辛丑二十九日也明年正月壬寅朔則上下符合矣

傳二十一年春王二月甲子齊北郭啓帥師

伐莒 啓齊大夫 ○ 莒子將戰苑羊牧之諫 牧之

夫 ○苑於元反 曰齊帥賤其求不多不如下之 牧之州牧之牧

大國不可怒也弗聽敗齊師于壽餘 莒地 ○

反下之 齊侯伐莒 怒 莒子行成司馬竈如莒 帥所類

澠盟 竈齊大夫 莒子如齊澠盟盟于稷門之外 稷門

齊城 莒於是乎大惡其君 爲明年莒子來奔 ○楚

遠越使告于宋曰寡君聞君有不令之臣爲

君憂無寧以為宗羞

無寧寧也言華氏為宋宗廟之羞恥

寡君請受

而戮之對曰孤不佞不能媚於父兄

華向公族也故稱父兄

以為君憂拜命之辱抑君臣日戰君曰余

必臣是助亦唯命人有言曰唯亂門之無過

君若惠保敝邑無亢不衷以弊亂人孤之望

也唯君圖之楚人患之

患宋以義距之。過音古禾反亢苦浪反衷音忠

疏

無亢至亂人。正義曰亢高也衷善也弊勸也無高貴不善之事以勸亂人為惡也易曰亢龍有悔言其位高也

諸侯之戍謀曰若華氏知困而致死楚恥

無功而疾戰非吾利也不如出之以為楚功

其亦能無為也已

言華氏不能復為宋患。復扶又反下復欲同。疏若華至也

已。正義曰若華氏知困而致死戰或敗諸侯之師也楚恥

無功而疾戰戰勝則楚獨有功二者並非吾諸侯之利也聞

楚師將至華氏即出亦是楚之功也不如出之以為楚功其

此華氏亦無所能為也已言雖放令出亦不復能為宋害言

宋人慮更為害決欲取殺之故諸侯之戍固請出之宋人乃從之救宋而除其害又

何求乃固請出之宋人從之已已宋華亥向

寧華定華貍華登皇奄傷省臧士平出奔楚

華貍已下五子不書非卿。省悉井反又所景反臧子郎反

宋公使公孫忌為大

司馬

代華費遂邊邛為大司徒

邛平公會孫代華定。邛五郎反

祁為司馬

祁子罕孫樂祁犁。犁力私反又力兮反

仲幾為左師

幾仲左孫

代向寧。幾音基

樂大心為右師

代華樂輓為大司寇

輓子罕孫。輓音晚

以靖國人

終梓慎之言三年而後弭。弭彌氏反

王子朝

賓起有寵於景王

子朝景王之長庶子賓起子朝之

或云朝錯是王子朝之後又音

潮案錯姓亦有兩音長丁丈反王與賓子孟說之欲立

之

孟即起也王語賓孟欲立子朝為疏正義曰賈逵云

賓孟子朝之傳也王愛子朝因愛其傳故朝起並有寵於景

王也與賓孟並談說之欲立朝為大子周語云景王欲殺下

門子乃云賓孟適郊見雄雞賈逵云下門子周大夫王猛之

傳也景王欲立朝故先殺猛傳然則王與賓孟言說既欲立

朝乃殺猛傳議久不決故賓孟假雄雞斷尾以勸之

注子朝至之傳正義曰二十六年傳子朝使告于諸侯云單劉

贊私立少知朝年長於猛也賓

劉獻公之庶子伯益

事單穆公

獻公劉摯伯益劉狄穆公單旗惡賓

孟之為人也願殺之又惡王子朝之言以為

亂願去之子朝有欲位之言故劉益惡之惡鳥路疏

劉獻至去之正義曰伯益是果決有知謀者也願得殺賓

孟去子朝所以逼單子之心故劉子亦與同志共立子猛也

於賓孟云願殺之於子朝云願去之者朝是王之寵子

賓王在不可專殺願逐去而已獻謚法知質有聖曰獻

孟適郊見雄雞自斷其尾問之侍者曰自憚

其犧也畏其為犧牲奉宗廟故自殘毀遽歸告王

且曰雞其憚為人用乎人異於是雞犧雖見寵飾

人見寵飾則當貴盛故犧者實用人人犧實難已

言異於雞遠其據反犧何害言設使寵人如寵犧則不宜假人以招禍難使犧

乃且疏賓孟至何害正義曰說文云犧宗廟之牲也曲

反禮云天子以犧牛鄭玄云犧純毛也周禮牧人掌

牧六牲以共祭祀之牲牲鄭玄云六牲謂牛馬羊豕犬雞牲

體完具也又曰祭祀共犧牲以授充人繫之鄭玄云犧牲毛

羽完具也授充人者當殊養之然則祭祀之牲選其毛羽完

具者養之以為犧犧者寵養祭牲之名賓孟感雞以毛羽牲

具恐其被養為犧故自斷其尾殘毀其形賓孟怪而問之侍者曰自憚其犧言此雞難畏其被寵養也賓孟因此感悟疾歸以雞事告王且又言曰雞其憚畏為人用乎人則異於是雞矣雞被寵飾終當見殺人被寵飾則當貴盛此其所以異於雞也犧者寵牲之名因以犧喻寵子即名寵子為犧言寵愛為犧者依法用牲今寵愛為犧者乃實用人言犧當用純德之人猶如祭犧當用純色之牲也他人之有純德寵之如犧後實招禍難矣己子之有純德寵之如犧有何害也但人有親疎若疎人被寵愛為犧實為禍難若已家親屬寵愛如犧有何患害他人謂子猛親屬謂子朝也犧者實用人上人字雖同上下人意異。注雞犧雖見寵飾。正義曰犧者繫養之名耳言寵飾者當養之時必為之服飾以異之如今之繫五采也史記稱楚王欲以莊周為國相謂使者曰郊祭犧是亦飾之事。注言設至異之。正義曰賓孟言人犧實難假疎人以為說人為疎姓之人寵養疎人擅權害主故言設使寵人如寵犧則不宜假人以招禍難假借他人以權或將反來害己子猛雖亦王子不得王寵與他人無異使犧在己家則無害己喻子朝子朝是己之子欲使王早寵異之如寵

犧也 王弗應

十五年天子壽卒王立子猛後復欲立子朝而

應應對之

疏

注十五至不應。正義曰賈逵以為天子壽卒景王不立適子鄭眾以為壽卒王命猛代之

之後欲廢猛立朝耳服虔以賈為然杜今從鄭說者二十六
年傳閔子馬云子朝子景之命則景有命矣若不命猛更命
誰乎若子朝子猛並未命俱是庶子朝年又長於次當立
自求為嗣宜矣劉蚩何以惡其為亂而欲去之若俱未立
王意不偏羣臣無黨王命為嗣則莫敢不從何須將殺單劉
以立朝也杜以此知天子壽卒王立子猛為適其後復欲立
子朝而王意未定賓孟感雞自毀因此盛稱
子朝之美王心許賓孟故不應慮其泄言也

田北山使公卿皆從將殺單子劉子

北山洛北
芒也王知

單劉不欲立子朝欲因田獵

王有心疾

丑崩于榮

錡氏

四月十九日河南鞏縣西有榮
錡澗。錡魚綺反澗古晏反

疏

注四月十九日
正義曰此於

丑之下言四月十九日戊辰之下言二十二日顯言此二日
者此年之傳其日最多經之與傳又時月多錯故此顯言二

日欲令自此以下
依次推之易驗耳
戊辰劉子摯卒二十日無子單子

立劉蚩蚩事單子故五月庚辰見王見王猛○見賢遍反注同遂攻

賓起殺之黨子朝故盟羣王子于單氏王子猛次正故單劉立之

懼諸王子或黨子朝故盟之疏注王子猛次正○正義曰猛朝俱是王也公羊多有次正之語杜取為說猛為次正不知其本○蓋是大子壽之母弟或是穆后姪娣之子或母貴也晉

之取鼓也在十年既獻而反鼓子焉獻於廟又叛

於鮮虞叛晉屬鮮虞六月荀吳略東陽略行也東陽晉之山東邑魏郡

廣平以北○行下孟反使師偽糶者負甲以息於昔陽之

門外昔陽故肥子所都○糶音狄遂襲鼓滅之以鼓子鳶鞮

歸使涉佗守之守鼓之地涉佗晉大夫○鳶悅全反鞮丁兮反佗徒多反守手又反又如

字○丁巳葬景王王子朝因舊官百工之喪

職秩者與靈景之族以作亂百工百官也靈王景王之孫○喪息浪

反下注羣喪同帥郊要餞之甲三邑周地○要一遙反餞賤淺反以逐劉

子逐伯壬戌劉子奔揚揚邑單子逆悼王于莊

宮以歸悼王子猛也王子還夜取王以如莊宮王子還朝黨

也不欲使單子得王猛故取之癸亥單子出失王故出奔王子還與召

莊公謀莊公召伯奐子朝黨也曰不殺單旗不捷

旗單子也○音其捷才接反與之重盟必來背盟而克者多

矣從之從還謀也○音佩下注同樊頊子曰非言也必不

克頊音傾本或作須字疏注頊子至劉黨○正義曰此下二十三年單子劉子樊齊

以王如劉故知是單劉黨也。遂奉王以追單子。及領大

明盟而復。劉子復歸。令力呈反。殺摯荒以說。荒。說。

如字又。劉子如劉。歸其邑。單子亡。丑奔于平時。

平時。周地知王子還欲背盟故亡走。奔于平時。疏。及領

一本作于平時音止。又音市。下同。本或作平壽誤。至平

時。正義曰。此上言子還夜取王。以如莊宮。遂與召莊謀殺

單旗與之重盟。必來而殺之。王子還遂奉王追單子及領

遂與重盟而還殺摯荒者。為前取王如莊宮。令單子失王

而出奔。更殺摯荒以解說此事。單子覺還欲背。又奔平時。羣

王子追之。單子殺還姑發弱。醜延定稠。入子靈

因戰而殺之。謾。疏。注。入子靈景之族。正義曰。以上言

子工反稠直由反。疏。王子還此入人還居其首。還既稱王

子明入子皆王子。子朝奔京。其黨。丙寅伐之。單子

也。故知靈景之族。死故。丙寅伐之。單子

京人奔山。劉子入于王城。子朝奔京。故得入。辛未鞏簡

公敗績于京。乙亥甘平公亦敗焉。甘鞏二公周

朝所敗。疏。簡公平公。正義曰。謚法。一意不懈曰簡。布

鞏九勇反。疏。網持紀曰平。注皆為子朝所敗。正義曰

知為子朝所敗者。以傳云敗績于京。故知是敬王黨為子朝所敗也。叔鞅至自京師。葬

還。言王室之亂也。經所。閔馬父曰。子朝必不

克其所與者。天所廢也。閔馬父。閔子馬魯大夫。單

子欲告急於晉。秋七月戊寅。以王如平時。遂

如圃。車次于皇。出次以示急。戊寅。七月三日。疏。注

寅至月誤。正義曰。傳言七月戊寅。杜以長麻推校之。戊寅

是七月二日。明傳是也。經書王猛居皇。乃在六月。下知經六

月誤也。劉子如劉。單子使王子處守于王城。處。子

也。猛黨守王城。距子朝。盟百工于平宮。平宮。平

王廟。辛卯鄆盼伐皇。

鄴子朝黨。鄴音尋。許也。反。大敗獲鄴。子辰焚諸王城之

市。焚鄴。八月辛酉。司徒醜以王師敗績于前

城。醜悼王司徒前。百工叛。已巳伐單氏之

宮敗焉。百工伐單氏。疏。氏所敗者以上云伐單氏下云

反伐之。是單氏反伐百工也。庚午反伐之。辛

未伐東園。百工所在洛陽東南。冬十月丁巳晉籍

談荀躒帥九州之戎。九州戎陸渾戎十七年滅屬晉

反。及焦瑕温原之師。晉四邑。以納王于王城。已

在十月經。疏。注丁巳至秋誤。正義曰傳言冬十月丁巳

書秋誤。杜以長麻推之丁巳是十月十四日經書此

有冬知經誤。庚申單子劉蚩以王師敗績于郊

為子朝之。前城人敗陸渾于社。前城子朝眾社周地

黨所敗。社市者反本或作。十一月乙酉王子猛卒

杜下。皆同。疏。注乙酉至悼王。正義曰傳言十一月乙酉杜以

日悼。長麻推校之乙酉是十一月十二日知經書十月

王。誤也。上云單子逆悼王于莊宮悼王即猛也。經書為卒傳言

其謚故解之雖未即位周人謚曰悼王敬王猛之母弟敬王

位定乃不成喪也。釋所以不。已丑敬王即位。敬王

追謚之。猛母弟王子句。疏。注敬王至子句。正義曰敬王名句本

儒相傳說耳。謚法。館于子旅氏。子旅周。十二月庚

戌晉籍談荀躒賈辛司馬督。帥師軍。于陰。籍談。于侯氏。荀躒

于谿泉。賈辛所軍鞏縣。于社。司馬督。王師軍于汜于解次于任人。王師

三邑洛陽西南有大解小解
○犯音凡解音蠻任音任
閏月晉箕遺樂徵右

行詭濟師取前城
○行戶即反詭九委反
軍其

東南王師軍于京楚辛丑伐京毀其西南
楚

子朝
所在

經二十有三年春王正月叔孫婁如晉
謝取邾

勅略
○癸丑叔鞅卒
無傳
○晉人執我行人叔孫

婁
稱行人譏晉執使
○疏注稱行至使人
○正義曰傳說
魯取邾師則是魯有罪矣而譏

晉執者凡諸侯有罪盟主當以
○晉人圍郊
討子朝也

郊在叔鞅卒前
○疏注討子至從赴
○正義曰往年傳閏月
經書後從赴
辛丑晉師王師伐京毀其西南注云京

子朝所在此年傳正月壬寅朔二師圍郊計辛丑壬寅頻日
耳蓋京城既毀郊是子朝之邑故二師圍之故云討子朝也

郊不繫周者大都以名通也傳稱朔日圍郊至癸丑乃叔鞅
卒癸丑正月十二日也是圍郊在叔鞅卒前也晉人來告圍

郊不以圍郊日告之告在叔鞅卒後故經書在後是從赴也

圍郊在朔或亦在叔孫婁如晉之前但行無日未必不以朔
行據鞅卒有

日而言之
○夏六月蔡侯東國卒于楚
無傳未

赴以
○秋七月莒子庚與來奔
○戊辰吳敗頓

胡沈蔡陳許之師于雞父
楚地安豐縣南有雞父

亭
○與音甫
○疏吳敗至雞父
○正義曰此戰獲胡沈之君是

餘父音甫
胡沈君自將也頓序於上頓亦君自將也獲

陳大夫陳是大夫將則蔡許亦大夫將也故云頓胡沈蔡陳

許君在臣上各自以大小序耳桓十三年經書齊師宋師衛

師燕師敗績此不每國書師而摠云師者傳無其說杜不為

注是史略文非義例也賈遠云不國國書師惡其同役而不

同心案隱十年宋人蔡人衛人伐戴鄭伯伐取之傳曰宋衛

既入鄭而以伐戴召蔡人蔡人怒故不和而敗亦是同役而

不同心彼既不變其文此何當變文以見義乎賈之妄
○注

不書楚楚不戰
○正義曰杜知楚不戰者以傳云戰于雞父

春大流卷五十一

吳子以罪人先犯胡沈與陳三國敗舍胡沈之囚使奔許與
蔡頓師謀而從之三國奔是戰於雞父之時先犯胡沈陳後
破許蔡頓也六國既陳戰敗而奔下傳始云楚師大奔是六
國敗後楚師怖懼不得成陳望風而奔故傳云不言戰楚未
陳杜云不書楚楚不戰劉炫用服虔義云不書楚楚諱敗不
告然則必其楚人來告容或諱敗若吳人來告豈代楚諱乎
劉違背傳文而規杜非也 **胡子髡沈子逞滅** 國雖存君死曰滅
疏 注國雖至曰滅○正義曰公羊傳曰君死于位曰滅其
意言本國雖存其君見殺與滅國相類據君身言之謂
滅獲陳夏齧 大夫死生通曰獲夏齧微舒 **疏** 注大夫
正義曰宣二年鄭人獲華元生獲也哀十一年獲齊國書死
獲也故云大夫死生通曰獲案世本宣公生子夏夏生御叔
叔生徵舒舒生惠子晉晉生御寇寇生 **天王居于狄**
悼子齧齧是徵舒曾孫杜云玄孫未詳 ○ **天王居于狄**
泉 敬王辟子朝也狄泉今洛陽城內大倉西南池水也若在城內宜云王居
倉西南池水也時在城外○大音泰 **疏** 注敬王至城
此事傳無其文不言無傳者傳稱六月庚寅單子劉子樊齊
以王如劉當從劉而居狄泉不是全無其事故不云無傳也

狄泉今洛陽城內大倉西南池水是也若在城內宜云王居
成周知此時在城外也今在城內者土地名云或曰定元年
城成周乃遶 **尹氏立王子朝** 尹氏周世卿也書尹氏
之入城內也 **疏** 注尹氏至欲立○正義曰宣王之世有尹氏南春秋
立 **疏** 以來數有尹子見經是其食采於尹世為馬卿士也
以其世為卿士宗族彊盛故能專意立朝不言尹子而言尹
氏者見其氏族彊故能立之也敬王是單劉所立不書單子
立者敬王猛之母弟兄死次正當立立之是當朝不應立立
庶以亂國書尹氏立朝所以惡尹氏也隱四年衛人立晉善
其得衆書衛人言舉國共立之此書尹氏 **○八月乙未**
立朝明非周人所欲立獨尹氏立之耳

地震 ○冬公如晉至河有疾乃復

傳二十二年春王正月壬寅朔二師圍郊 二師

王師晉師也王 **癸卯鄆鄆潰** 河南鞏縣西南有地名鄆

師不書不以告 **丁未晉師在平陰王師在澤邑** 平陰

陰縣王使告問子朝敗故庚戌還晉師邾人城翼

翼邾還將自離姑離姑邾邑從離姑則道疏注離姑至武城

正義曰邾魯接連竟界相錯邾人從翼邑還邾先經魯之武城然後始至離姑而後至邾故舉離姑為道次

孫鉏曰魯將御我鉏邾大夫欲自武城

還循山而南至武城而還依山南行不欲過武城徐鉏丘

弱茅地三子邾大夫曰道下遇雨將不出是不

歸也謂此山道下濕遂自離姑遂過武城武城人塞其前

塞其前道武城人塞其前武城人塞其前武城人塞其前武城人塞其前

斷其後而當是已過武城之邑未出武城之竟故得塞其前斷其後之木而弗殊邾師過之乃推

而蹙之遂取邾師獲鉏弱地取邾師不書非公命斷丁管反殊

如字說文云死也一曰斷也蹙其月反又音厥又居衛反

大夫自專為此謀也既取邾師始愬晉晉人來討乃令叔孫往謝叔孫以年初即行則魯取邾師事在往年因叔孫如晉追

如晉追邾人愬于晉晉人來討愬息叔孫婣

如晉晉人執之書曰晉人執我行人叔孫婣

言使人也嫌外內異故重發傳使所晉人使與

邾大夫坐坐訟疏注坐訟曲直正義曰周禮小司獄者皆令競者坐而受

其辭故使並坐訟曲直叔孫曰列國之卿當小國

之君固周制也在禮卿得會伯子男疏注在禮至之

僖二十九年傳曰在禮卿不會公侯會伯子男可也於禮得與相會故當小國之君邾又夷也邾有東夷

之風寡君之命介子服回在子服回魯大夫為叔孫之介副

音界請使當之不敢廢周制故也乃不果坐

韓宣子使邾人取其眾將以叔孫與之與邾使執

叔孫聞之去眾與兵而朝示欲以身死士彌

牟謂韓宣子彌牟士景伯曰子弗良圖而以

叔孫與其讎叔孫必死之魯亡叔孫必亡邾

邾君亡國將焉歸時邾君在晉若亡國無所歸子

雖悔之何及所謂盟主討違命也若皆相執

焉用盟主聽邾眾取叔孫是為乃弗與使各居

一館分別叔孫子服疏注分別至服回正義曰賈遠

云使叔孫子服回各居一館邾魯大夫各居一館鄭眾

使各居一館也欲分別叔孫與子服回不得相見各聽其辭

耳服虔並載兩說仍云賈氏近之案傳文各居一館之下即

云士伯聽其辭而愬諸宣子乃皆執之則皆執各居一館者

也若是邾魯別館豈執邾大夫乎且下云館叔孫於箕舍子

服回於他邑明此各居一館是分別子服與叔孫恐其相教

示士伯聽其辭而愬諸宣子乃皆執之二子辭

而執之注二子至執之正義曰魯人實取邾師二子

邾人不假魯道是邾亦合責不假道小過也取其師大罪也

蹊田奪牛為報已甚故士伯愬而執之久囚其使足以謝邾

故晉以明士伯御叔孫從者四人過邾館以如

吏欲使邾人見叔孫之屈疏士伯至如吏正義曰御

也叔孫從者唯四人先過於邾君之館然後先歸邾子

以之如吏故杜云欲使邾人見叔孫之屈辱

士伯曰以芻蕘之難從者之病將館子於都

都別都謂箕也芻立待命也從且叔孫旦而立期焉

初俱反蕘而昭反至旦為期期

春秋疏卷五

本又作菴 乃館諸箕舍子服昭伯於他邑別因

范獻子求貨於叔孫使請冠焉以求冠取其

冠法而與之兩冠曰盡矣既送作冠模法又進二冠以與之偽若不解其

意○模莫胡反為叔孫故申豐以貨如晉欲行貨

字從木解音蟹叔孫曰見我吾告女所行貨見而不

出留申豐不使得出不吏人之與叔孫居於箕

者請其吠狗弗與及將歸殺而與之食之不

愛○吠疏請其吠狗○正義曰狗有吠守者有主獵者主

叔孫所館者雖一日必葺其牆屋葺補治也○

去之如始至不以當去而有所○夏四月乙酉單

子取訾劉子取牆人直人三邑屬子朝者訾在河

反 六月壬午王子朝入于尹自京入尹疏注自京

正義曰知自京入尹者以前年子朝在京王師雖毀其西南

不言竟京又今年二師圍郊不言子朝在郊故云自京入尹

劉炫以為前年王師已克子朝從京入 癸未尹圍誘劉

佗殺之尹圍尹文公也劉佗劉蚩族敬 丙戌單子從

阪道劉子從尹道伐尹單子先至而敗劉子

還單子敗故○阪 已丑召伯奭南宮極以成周

人戌尹二子周卿士子 庚寅單子劉子樊齊以

王如劉辟子朝出 甲午王子朝入于王城次于

左巷近東城○近 秋七月戊申鄴羅納諸莊宮

邾羅周大夫

尹辛敗劉師于唐

尹辛尹氏族唐周地

丙辰又

敗諸邾甲子尹辛取西闕

西闕周地音韋一音暉

丙寅

攻蒯蒯潰

河南縣西南蒯鄉是也於是敬王若狄泉尹氏立子朝○蒯苦怪反

○莒子

庚與虐而好劔苟鑄劔必試諸人國人患之

又將叛齊烏存帥國人以逐之

烏存莒大夫○好呼報反鑄之

反樹庚與將出聞烏存執及而立於道左懼將

止死

及長而無刃○及音殊

疏

注及長至無刃○正義曰詩毛傳文也考工記云及長尋有四尺八

尺曰尋是其長丈二也又考工記戈戟皆有刃及不言刃是無刃也

苑羊牧之曰君過

之

牧之亦莒大夫

烏存以力聞可矣何必以弑君成名遂來奔齊人納郊公

郊公著丘公之子十四年奔齊○著直除反又直慮

反○吳人伐州來楚遠越帥師

令尹以疾從戎故遠越攝其事

及

諸侯之師奔命救州來吳人禦諸鍾離子瑕

卒楚師燔

子瑕即令尹不起所疾也吳楚之間謂火滅為燔軍之重主喪亡故其軍人無復氣勢○

燔子潛反字林子兼反復扶又反下王往復敗復增修同

吳公子光曰諸侯從於

楚者衆而皆小國也畏楚而不獲已是以來

吾聞之曰作事威克其愛雖小必濟

克勝也軍事尚威

疏

威克至必濟○正義曰尚書增征云威克厥愛允濟愛克厥威允罔功是古有此言

胡沈之君

幼而狂

性無常○狂求匡反

陳大夫齧壯而頑頓與許蔡

疾楚政楚令尹死其師燔帥賤多寵政令不

壹

帥賤遠越非正卿也軍多寵人政令不壹於越○帥所類反注及下帥賤同

七國同役

而不同心

七國楚頓胡 沈蔡陳許

帥賤而不能整無大威

命楚可敗也若分師先以犯胡沈與陳必先

奔三國敗諸侯之師乃搖心矣諸侯乖亂楚

必大奔請先者去備薄威

示之以不整以誘之。去起呂反

後

者敦陳整旅

敦厚也。陳直觀反下未陳并注同

吳子從之戊辰晦

戰于雞父

七月二十九日違兵忌晦戰擊楚所不意

疏注七月至不意。正義曰成十六年

傳卻至曰陳不違晦以犯天忌我必克之注云晦月終陰之盡故兵家以為忌楚以兵之忌日不意吳來擊之必不設備吳人故違兵忌以晦出兵而戰擊楚所不意也僖二十二年泓之戰書已已朔成十六年鄆陵之戰書甲午晦此書戊辰而不言晦者釋例曰經傳之見晦朔此時史隨其日而存之無義例也賈氏云泓之戰譏宋襄故書朔鄆陵之戰譏楚子故書晦雞父之戰夷之故不書晦左氏既無此說案雞父之戰經傳備詳其例非夷之實晦戰而經不書晦明經不以晦

示褒

吳子以罪人三千先犯胡沈與陳

囚徒不習戰以

示不

三國爭之吳為三軍以繫於後中軍從王

從吳

光帥右掩餘帥左

掩餘吳王壽夢子

吳之罪人或

奔或止三國亂吳師擊之三國敗獲胡沈之

君及陳大夫舍胡沈之囚使奔許與蔡頓曰

吾君死矣師謀而從之三國奔

三國許蔡頓。躁素報反楚

師大奔書曰胡子髡沈子逞滅獲陳夏齧君

臣之辭也

國君社稷之主與宗廟共其存亡者故稱滅大夫輕故曰獲獲得也

疏注國君社

稷之主與宗廟共其存亡者至獲得也。正義曰傳言舍胡沈之囚使曰吾君死矣是胡沈之君死稱滅也釋例曰國君者社稷之主百姓之望當與社稷宗廟共其存亡者也而見獲於敵國雖存若亡死之與生皆與滅同故曰胡子髡沈子

逞滅諸以戰傷死雖敗績而不見擒故經皆不曰滅則杜意
國君生見獲亦書為滅也劉炫謂此胡沈之君戰死故言滅
也春秋君戰生見獲者皆言以歸不書滅何得言雖存若亡
皆為滅公羊傳曰其言滅獲何別君臣也君死于位曰滅生
釋曰獲大夫生死皆曰獲以爲君死曰滅生曰以歸韓戰貶
晉侯從大夫例故書獲以規杜失今知非者莊十年齊師滅
譚譚子奔莒定六年鄭游速滅許以許男斯歸是君存稱滅
劉炫以爲生獲於敵但言以歸不得稱滅規杜非也但君存
國滅則滅文在上滅譚滅許是也國不言戰楚未陳
存君死則滅文在下胡子沈子是也

也

嫌與陳例相涉故重發之

○八月丁酉南宮極震

經書乙未地動魯地

也丁酉南宮極震周地亦震也爲屋所壓而死○壓本又作厭同於甲反
地震謂魯國之地動也丁酉南宮極震則周地亦震
周魯相去千里故震日不同以震而死明爲屋所壓
謂劉文公曰君其勉之先君之力可濟也

劉盈也先君謂盈之父獻公也
獻公亦欲立子猛未及而卒
周之亡也其三川震

謂幽王時也三川涇渭洛水也地動川岸崩

疏

注謂幽王二年西周三川皆震

陽父曰周將亡矣陽伏而不能出陰迫而不能然於是地
震今川實震是陽失其所而鎮陰也陽失而在陰原必塞原
塞國必亡夫水土演而民用也土無所演民乏財用不亡何
待昔伊洛竭而夏亡河竭而商亡今周德若二代之季矣其
川原又塞塞必竭夫國必依山崩川竭亡之徵也川竭
山必崩若亡不過十年數之紀也夫天之所棄不過其紀是
歲也三川竭岐山崩十一年幽王乃滅法國語者亦云三川
涇渭洛也西周在雍州之域周禮職方氏正西曰雍州其川
涇油其浸渭洛鄭玄云浸可以爲灌溉者
今西王之大臣亦震天弃之

矣

子朝在王城故謂西王

東王必大克

敬王居狄泉在王城之東故曰東王

○楚

大子建之母在郢

郢建故母歸其家○郢古閬反

吳人而啓之冬十月甲申吳大子諸樊入郢

諸樊吳王僚之太子○吳大子諸樊案吳子邊號諸樊王僚是邊之弟子先儒又以爲邊弟何容僚子乃取邊號爲名恐

傳寫誤耳未詳取楚夫人與其寶器以歸楚司馬遠越

追之不及將死衆曰請遂伐吳以徼之徼要其勝負

微右堯反疏大子至追之正義曰土地名鄭是蔡地蔡要一遙反

在楚之東北故建母在鄭得召吳人也於時蔡常從楚且失夫人故遠越追之注諸樊至大子正義曰吳子諸樊吳王僚之伯父也僚子又名諸樊乃與伯祖同名吳人雖是東夷理亦不應然也此久遠之書又字經篆隸或誤耳

死且有罪此年秋敗於雞父設往復敗爲再敗亡君夫人不可以

莫之死也乃縊於遠溼遠溼楚地縊一賜反溼市制反公爲

叔孫故如晉及河有疾而復此年春晉爲邾人執叔孫故公如晉謝之

爲于僞反注及下注○楚囊瓦爲令尹囊瓦子常鄰國爲之守相爲同也代陽句

城郢楚用子囊遺言已築郢城矣今畏吳復囊乃即反增脩以自固○郢以井反又餘政反

疏注楚用至自固正義曰襄十四年子囊將死遺言謂子庚必城郢君子謂子囊忠將死不忘衛社稷可不謂忠乎彼子囊城郢君子謂之爲忠此囊瓦城郢沈尹戌謂之必亡事不同者國而無城不可以治楚自文王都郢城郭未固子囊心欲城之其事未暇將死而令城郢故可謂之爲忠今郢既固矣足以爲治而囊瓦畏吳侵逼恐其寇入國都更復增脩其城以求自固不能遠撫邊竟唯欲

子常必亡郢苟不能衛城無益也古者天子

守在四夷德及遠守手又反下天子卑守在諸侯

諸侯守在四鄰鄰國爲之守諸侯卑守在

四竟裁自完竟音境下及注同慎其四竟結其四援結四鄰之國爲

民狎其野狎安習也三務成功春夏秋三時之務

民無內憂而又無外懼國焉用城今吳是懼

而城於郢守已小矣卑之不獲能無亡乎不獲

守四竟。昔梁伯溝其公宮而民潰。**疏**在僖十八年。

焉於度反。注在僖十八年。正義曰事在十九年諸本皆然當是轉寫誤。民奔其上上亡何待

夫正其疆場脩其土田險其走集走集邊竟之壘辟。疆居

良反場音亦壘。力軌反辟音壁。明其伍候。正義曰賈服王董皆作五侯賈服云五侯五方**疏**

之候也。敬授民時四方中央之候王云五侯山侯林侯澤侯

川侯平地候也。董云五侯候四方及國中之姦謀也。杜作伍

侯故云使民有部伍相為候望。彼諸本蓋以上多云四故誤

為五信其鄰國慎其官守守其交禮交接之禮不

僭不貪不懦不者懦弱也者強也。僭子念反懦乃亂反又乃臥反者臣支反一音直**疏**不僭至不者。正義曰不僭守信也不貪廉正也不懦不受辱也不彊不陵人也。此皆論守竟之事不僭

不貪不貪不者謂不往侵鄰國也不懦謂不使人侵已也完其守備以待不虞又

何畏矣詩曰無念爾祖聿脩厥德詩大雅無念念也聿述也義取

念祖考則述治其德以顯之**疏**詩曰至厥德。正義曰詩大雅文王篇

之法則還當述治其先祖之德以顯之無亦監乎若敖蚡冒至于武

文四君皆楚先君之賢者。楚世家云周成王始封熊**疏**

釋於楚以子男之田居丹陽歷十四君至於熊儀是為若敖

若敖生霄敖霄敖生蚡冒蚡冒卒弟熊達立是為武王武王

生文王始都郢都文十六年云蚡冒楚武王父雖不從土

不過同方百里為一同言未**疏**土不過同。正義曰言


同故云不過同非謂百里以下也知者慎其四竟猶不

城郢今于數圻方千里為圻**疏**猶不城郢。正義曰

上未都於郢據當時都郢故以
郢言之謂不築其國都也
言守若是難以爲安也
爲定四年吳入楚傳
而郢是城不亦難乎

附釋音春秋左傳注疏卷第五十

春國盧氏
向國結印



江西南昌府學棗

春秋左傳注疏卷五十按勘記 阮元撰盧宣旬摘錄

附釋音春秋左傳注疏卷第五十 昭二十一年盡二十二年



在於復歸 段玉裁校改作歸復



無射鐘名 宋殘本淳熙本鐘作鍾

注周景至無射 宋本以下正義四節摠入其能久乎注

鑄大錢 監本毛本鑄上有將字與國語合

王不聽 監本毛本不作弗與國語合

如彼文 閩本監本文誤云

時鐘猶在

宋本時作其

無射高懸是也

此本高字實缺據宋本補閩本空闕監本毛本作在

時人悉共見之

此本共字實缺據宋本補閩本空闕監本毛本作得

泠州鳩曰

釋文云泠或作伶樂官也或作冷字非石經州字初刻誤洲後改正

而鐘音之器也

石經宋殘本鐘作鍾案鐘鼓之鐘石經左傳皆不作鍾此及下文今鍾椒矣獨異

風散俗煩

宋本散作敝

器以鐘之

石經宋本宋殘本纂圖本閩本監本毛本鐘作鍾是也

鐘聚也

此本正義亦作鐘宋本宋殘本纂圖本閩本監本毛本作鍾是也

承上語不倫者

宋本閩本監本毛本同山井鼎云倫作論恐非

大者不椒

諸本作椒漢書五行志引作椒下同案椒乃說文新附字五經文字作椒云見春秋傳

戶暗反

宋本此三字側注

窕則不成

石經咸改作減釋文云本或作感案惠棟云唐石經初刻作咸後加三點按作咸是也

心是以感感實生疾

石經初刻感作憾後改作咸顧炎武云石經誤作咸指改刊而言也惠棟云一作咸一作減亦誤陳樹華云初刻憾後改感下心字年久磨滅案改感之說非是如改感磨去小旁是矣今感字重刻皆未將碑文細校也漢書五行志引傳作感不誤

今鐘椒矣

石經淳熙本纂圖本閩本監本毛本鐘作鍾

王心弗堪

惠棟云漢書作戎孟康云古堪字尚書西伯戡黎說文引作戎郭璞爾雅注又作堪黎古字戎堪通

注不在至幼齒

宋本此節正義在注為蔡侯朱出奔傳之下

鮑國至七牢

宋本以下正義二節摠入士鞅怒日節注下

諸侯牢禮各依命數

重脩監本各誤名

亟言之

宋本以下正義二節摠入注文桑林城門名之下

言若愛大司馬

岳本言作君非也

華疆雖杜

宋本閩本監本毛本杜作枉

訊問也

淳熙本也誤城

言登亡

淳熙本言誤之

梁國睢陽縣南有橫亭

毛本睢作雖亦非釋文作睢音雖是也

分同至過也

宋本以下正義三節摠入昭子曰節下

朔月辛卯

監本毛本月誤日

未法爲重

監本毛本未法作其災宋本作示法

非所哭也

石經也字以下一行計九字

公子苦雒

石經宋本宋殘本岳本雒作雒與釋文合又按說文雒鳥也从佳今聲引春秋傳公子苦雒又考玉篇苦作若

而不能送亡君

宋本以下正義六節摠入注文爲明年華向出奔楚傳之下

乃徇曰

閩本監本徇作徇非

楊徽者

石經宋本宋殘本淳熙本岳本纂圖本毛本楊作揚與釋文合

如其在門所樹者

監本其作共非

凡此言以也象也

閩本監本以誤似

今之銘旌旗幡也

宋本幡作旛與說文合

其制之大小

宋本其作某

公自楊門見之

石經宋本宋殘本淳熙本岳本足利本楊作揚是也注同

睢陽正東門名揚門

監本睢誤睢

不些小忿

淳熙本纂圖本皆作訾釋文同云本又作些

于犇御呂封人華豹張句為右

正義云本或豹上有華又云今定本有華臧琳云據正義

知今本有華者從唐定本誤衍也傳文本云呂封人豹故杜云呂封人豹華氏黨明豹即華豹也今注作呂封人華豹華亦衍文王肅董遇並云呂封人華豹則王董本正文有華字可知

關引弓

此下宋本有關矣。正義曰關鴟環本又作鸞一十三字在呂封人華豹節下

扶伏而擊之

諸本作扶伏釋文云本或作匍匐同

事在襄二十三年

纂圖本二作三非也

俗本或無其字

毛本字作事非也

德君必甚

宋本此節正義在蔡無他矣注下

且懼泄軍謀

宋本小字宋本宋殘本泄作洩

夏四月乙丑

宋殘本缺三葉自四字起至子朝必不克必字止

亂故速

宋本速下有也字

注承叔至日亂

宋本以下正義三節摠入王子猛卒注下

冬十月王子猛卒十有二月

石經自王字至有字改刊故此二行皆祇九字

故不言崩

足利本言作書

其不得有庚戌也

宋本其下有月字

傳

啟齊大夫。北郭佐之後

諸本無。纂圖本。作釋亦誤闕本遂以北郭佐之後五字改

為雙行小字尤非

以弊亂人

石經此處缺岳本纂圖本閩本監本毛本弊作弊

患宋以義距之

小字宋本無之字

無亢至亂人

宋本脫人字以下正義二節摠入以靖國

弊勸也

閩本監本毛本弊作弊

其亦能無為也已

石經此處缺宋本淳熙本岳本纂圖本監

士平

顧炎武云石經士誤氏案石經此處缺所據乃王堯惠

邊邛

顧炎武云石經邛誤作印案石經此處缺所據亦謬刻

王子至立之

宋本以下正義九節摠入盟羣王子于單

與賓孟並談說之

宋本以上有王字

景王欲殺下門子

案國語周語欲作既

子朝有欲位之言

釋文云一本位作立岳本作立陸榮附

所以疆單子之心

閩本監本毛本疆作强

故劉子亦與同志

齊召南云以文義推之劉子應作單

掌牧六牲

監本掌作當誤也

則無害

宋本無下有患字是也

魏郡廣平以北

淳熙本北誤此

揚邑

宋本淳熙本岳本纂圖本監本毛本揚下有周字是

悼王子猛也

監本悼字誤悼

頃子至劉黨

宋本以下正義十節摠入注文京楚子朝

殺摯荒以說

石經荒字以下一行計九字

故亡走

重脩監本走誤是

來而殺之

閩本監本而作必非

謚法一意不懈曰簡

閩本懈誤蟬宋本監本毛本作懈是也案逸周書謚法解一意作壹

德

故知是敬王黨

監本毛本敬作悼

子朝必不屯

不字以下宋殘本起

經書六月誤也

宋本宋殘本淳熙本小字宋本足利本無也字

戊寅是七月二日明傳是也

閩本亦誤二宋本監本毛本作三

前城人敗陸渾于社十一月乙酉

諸本作社釋文云本或作杜下皆同石經人字以下

一行計九字陸渾于社十五字改刊因初刊十下有有字後刊去也

前城子朝衆

陳樹華云案城下當有人字

毀其西南

石經南下有子朝奔郊四字非唐刻也案顧炎武九經誤字云四字監本脫當依石經惠棟云四字

非初刻當是晁公武據蜀石經增入非杜本也案下傳云二師圍郊郊鄆潰杜氏云二邑皆子朝所得是杜本無奔郊之文善乎陳樹華之言曰四字書法與宣公卷相似疑朱梁時人所為顧炎武說欠詳審惠棟指為晁氏據蜀石經增入亦非子朝如果在郊則二師圍郊郊鄆潰子朝當奔別邑經傳何以無明文邪且廿三年王子朝入于尹杜氏云自京入尹氏之邑正義曰知自京入尹者以前年子朝在京王師雖毀其西南不言克京又今年二師圍郊不言子朝在郊故云自京入尹劉炫以為前年王師已克京子朝從京入郊郊潰不知子朝所在而規杜非也由此推之子朝奔郊四字或因劉氏之言而妄增也

京楚子朝所在

段玉裁云楚字衍文次年晉人圍郊正義引此注云京子朝所在無楚字

六年

經

宋本春秋正義卷第三十一石經春秋經傳集解昭六第廿五岳本奪字下增公字並盡二十

注稱行至使人

宋本以下正義八節摠入冬公如晉至河有疾乃復句下

不宜執其使人

宋本監本毛本宜作得正德本闕本此處實缺

計辛丑壬寅

諸本作計此本誤討今改正

相十三年

諸本作桓此本作相脩版仍作桓

賈之妄○

宋本。作也是也

立之是當

宋本當作常

傳

注離姑至武城

宋本以下正義九節摠入去之如始至注下

先經魯之武城

闕本監本毛本經作徑

謂此山道下濕

纂圖本毛本濕作溼

斷其後

監本斷誤擁

嫌外內異

岳本外內誤倒

僖二十九年傳曰

監本毛本二作公非

案傳文

闕本監本文作云非

從旦至旦爲期

葉抄釋文亦作從旦至旦爲替按古者年之而月之而日之而皆曰期而日之而僅見此監本下且字作莫毛本作莫字皆非也

別囚之

闕本囚作因形相近而誤毛本作叔九非

示不愛

淳熙本示誤寸

葺補治也

宋本淳熙本也作之

注自京至之邑

宋本此節正義在丙寅節注下

王師已克

宋本克下有京字是也

劉子從尹道伐尹

石經劉字以下一行計九字

庚寅單子劉子樊齊以王如劉

淳熙本樊誤焚

鄆勝之子

宋本岳本勝作勝是也淳熙本誤將纂圖本監本毛本誤勝。今從宋本

莒子庚與虐而好劍

石經劍字以下一行計十一字

必試諸人

石經試誤弒

及長而無刃

宋本淳熙本岳本纂圖本監本毛本長下有丈二字是也

注及長至無刃

宋本此節正義在齊人納郊公注下

又考工記戈戟皆有刃

山井鼎云崇禎本闕皆有二字案毛本不闕考文所據者是脫

牧之亦莒大夫

山井鼎云崇禎本缺亦莒二字案毛氏本不闕

威克至必濟

宋本以下正義三節摠入不言戰節注下

狂無常

宋本淳熙本小字宋本狂作性不誤

帥賤而不能整

淳熙本而誤丙

陳不違晦

毛本違作逢非也

此時史隨其日而存之

毛本隨作兵非也

注國君社稷之主與宗廟共其存亡者至獲得也

宋本作注

國君至得也

楚未陳也

石經陳字改刊初刻似作陣

注經書至而死

宋本以下正義二節摠入東王必大克注下

地動川岸崩

纂圖本川下衍地字

今川寶震

宋本今下有三字是也

土無所演

宋本同監本毛本作水土無演非

子朝在王城故謂西王

足利本城下有西字

楚大子建之母在耶

石經宋本岳本耶作耶是也注及下同與說文合

大子至追之下

宋本以下正義二節摠入亡君夫人節注下

於時蔡常從楚

宋本時作是

僚子文名諸樊

閩本文作父亦非宋本監本毛本作又是也。今改作又

代陽句

淳熙本句誤句

注楚用至自固

宋本以下正義八節逸人不亦難乎句注下

將死不忘衛社稷

閩本監本毛本忘作亡

更復增脩其城

宋本增作以

沈尹謂之必亡

浦鏗正誤尹下有戍字

結四鄰之國為助

宋本淳熙本岳本為下有援字

當是轉寫誤

閩本監本毛本轉作傳非也

走集邊竟之壘辟

釋文亦作辟下有也字宋本岳本作壁

明其伍候

正義曰賈服王董皆作五候惠棟云周書程典云固其四援明其五候古伍字皆作五傳本文也杜

氏依周書為說故從人旁

賈服王董

閩本監本賈誤晉

此皆論守竟之事

毛本皆字實缺

不僭不貪不貪不耆

宋本監本毛本不貪二字不重是也

謂不往侵鄰國也

監本國字實缺

杜文十六年云

閩本監本毛本文誤又宋本文上有注字是也

謂不築其其國都也

宋本閩本監本毛本其字不重是也

附釋音春秋左傳注疏卷第五十止

春秋左傳注疏卷五十按勘記

附釋音春秋左傳注疏卷第五十一

昭二十四年 盡二十五年

杜氏注

孔穎達疏

經二十。四年春王三月丙戌仲孫矍卒

無傳 孟倍

子也。矍俱縛反徐俱碧反

○媯至自晉

喜得赦歸 故書至

○夏五月乙

未朔日有食之。○秋八月大雩。○丁酉杞伯

郁釐卒

無傳未同盟而赴以名丁酉九月五日有日無月。○郁於六反釐本又作釐力之反又音來

疏

注丁酉至無月。○正義曰此年五月乙未朔一大一小七月當甲午朔九月癸巳朔五日得丁酉文在八月之下是有日而無月也。○冬吳滅巢。楚邑也書。疏。注楚邑至大師。○正義曰大都以名通故不繫楚也襄十三年傳。例曰用大師焉曰滅。○葬杞平公。無傳。

傳一十四年春王正月辛丑召簡公南宮嚳

以甘桓公見王子朝

簡公召莊公之子召伯盈也。罷南宮極之子桓公甘平公之子。

○罷魚巾反見賢遍反

劉子謂萇弘曰甘氏又往矣對曰

何害同德度義

度謀也言唯同心同德則能謀義子朝不能於我無害。度待洛反注同

疏

注度謀至無害。正義曰同德度義尚書泰誓文也劉炫云案孔安國云德鈞則秉義者彊萇弘此言取彼為說必其與彼德同乃度義之勝負但使德勝不畏彼彊故即引泰誓而勸其務德杜為不見古文故致有此謬今知非者彼尚書之交論兩敵對戰揆度有義者彊此論甘氏又往既不能同德何能度義屬意有異與書義不同且引詩斷章其類多矣劉以為杜違尚書之文而規其過非也

大誓曰紂有億兆夷人亦有離德

有離德

言紂眾億兆兼有四夷不能同德終敗亡。紂直九反億於力反

疏

注四夷。正義曰孔

安國云夷人謂平人杜為夷狄之人者案四年傳曰商紂為黎之蒐東夷叛之孔杜各自為義其意俱通劉炫以杜為過而規其短非也余有亂臣十人同心同德

武王言我有治臣十人雖少同

心也今大誓無此語。治直吏反

此周所以興也君其務德無患

無人戊午王子朝入于鄆

緜氏西南有鄆聚言子朝稍強。鄆烏戶反緜

古侯反又苦侯反聚才佳反

○晉士彌牟逆叔孫于箕

將禮而歸之

叔孫使梁其蹇待于門內

蹇叔孫家臣。蹇戶定反曰余左

顧而欵乃殺之

疑士伯來殺已故謀殺之。欵苦代反

右顧而笑

乃止叔孫見士伯士伯曰寡君以為盟主之

故是以久子

久執子以謝邾

不腆敝邑之禮將致諸從

者使彌牟逆吾子叔孫受禮而歸二月媾至

自晉尊晉也

敗媾族所以尊晉媾行人故不言罪已。腆他典反從才用反

疏

注媾媾至

罪已。正義曰卿當備書名氏去氏則為賤責賤媾之族喜於得免所以尊晉而自屈也釋例曰意如至自晉傳言尊晉

罪已媾至自晉傳復重發但言尊晉者意如以罪見執宜在罪已媾本使人不應見執故尊晉而已內大夫行還皆不書至異於公也今此二人執而見釋更以書至見義也杜言見義者見其喜得釋特告廟而書至也 ○三月

庚戌晉侯使士景伯涖問周故涖臨也就問子朝敬王知誰曲

直○涖音利疏伯如周問曲直者以子朝更疆久競未決晉人恐敬王不成更審其事故疑而使察之也晉人於此始絕耳

子朝不納其使則以前猶與往來其心兩望至此始絕耳

士伯立于乾祭而問於介衆乾祭王城北門介大也○乾音干祭

側界反介音戒注同晉人乃辭王子朝不納其使衆言子朝曲故○使

所吏反○夏五月乙未朔日有食之梓慎曰將水陰勝陽故

昭子曰旱也日過分而陽猶不克克日將水

必甚能無旱乎過春分陽氣盛時而不勝陰陽將猥出故為旱○猥烏罪反陽不

克莫將積聚也陽氣莫然不動乃將積聚○陽不克莫絕句 ○六月壬

申王子朝之師攻瑕及杏皆潰瑕杏敬王邑○瑕戶加反杏戶孟反

內反鄭伯如晉子大叔相見范獻子獻子曰

若王室何對曰老夫其國家不能恤敢及王

室抑人亦有言曰嫠不恤其緯嫠寡婦也織者常苦緯少寡婦

所宜憂○相息亮反發本又作齋方之反緯有貴反而憂宗周之隕為將及

焉恐禍及已○隕于敏反今王室實蠢蠢焉蠢蠢動擾貌○蠢昌允反擾而

小反本又作動攝吾小國懼矣然大國之憂也吾儕何

知焉吾子其早圖之詩曰餅之馨矣惟罍之

恥詩小雅罍大器瓶小器常稟於罍者而所受馨盡則罍為無餘故恥之○儕仕皆反餅本又作瓶步丁反音

雷注詩小至耻之。正義曰此詩小雅蓼莪刺

〔疏〕詩也或曰餅是器疊大餅小實由疊所資餅是小器常稟受於疊今餅罄盡疊更無物以共餅惟是疊之恥也餅喻周疊喻晉言周之微弱恒依恃於晉今王室亂矣晉無力以助之是晉之恥也詩注云餅小而盡

疊大而盈刺王不使富分貧衆恤寡王室之不寧晉

之恥也獻子懼而與宣子圖之宣子乃徵會於

諸侯期以明年為明年會黃父秋八月大雩旱

也終如叔孫之言冬十月癸酉王子朝用成周之寶

珪于河禱河求福。珪于河本或作沈于河沈直陰反又如字甲戌津人得諸

河上珪自出陰不佞以温人南侵不佞敬王大夫晉以温兵助敬王南

朝侵子拘得王者取其玉將賣之則為石王定而

獻之不佞獻玉。拘音俱玉定與之東不佞喜得玉故與之邑羣

縣西南訾城是也。訾子斯反。○楚子為舟師以略吳疆略行也行

之。疆居良反。行下孟反下同。沈尹戌曰此行也楚必亡邑不撫

民而勞之吳不動而速之速召也吳踵楚躡楚踵

章勇反躡女輒反而疆場無備邑能無亡乎。越大夫胥

犴勞王於豫章之汭汭水曲。場音亦犴音越公

子倉歸王乘舟歸遺也。歸如字又其媿反倉及

壽夢帥師從王壽夢越大夫。王及圍陽而還

圍陽楚地。○**〔疏〕**王及圍陽而還。正義曰王歸行吳人

踵楚而邊人不備遂滅巢及鍾離而還鍾離不書

告敗。沈尹戌曰亡郢之始於此在矣王壹動而

亡二姓之帥

二姓之帥守巢鍾離大夫。帥所類反注同。

幾如是而不

及郢詩曰誰生厲階至今為梗

詩大雅厲惡階道梗病也。幾

居豈反又音

幾梗更猛反

疏注詩大雅。正義曰此詩大雅桑柔刺厲王之詩也。

其王之謂

乎

為定四年吳入郢傳

經二十有五年春叔孫婁如宋。夏叔詣會

晉趙鞅宋樂大心衛北宮喜鄭游吉曹人邾

人滕人薛人小邾人于黃父

計反

○有鸛鵒

巢

此鳥穴居不在魯界故曰來巢非常故書。鸛其俱反嵇康音權本又作鸛音劬公羊傳作鸛音權郭璞

注山海經云鸛鵒鵒也鵒音欲

疏

注此鳥至故書。正義曰此鳥穴居今驗猶然考工記云鸛鵒不踰濟

禹貢導沅水東流為濟入于河溢為滎東出于陶丘北又東至于荷又東北會于汶又北東入于海濟經齊魯之界魯在

汶水之南鸛鵒北方之鳥南不踰濟舊不在魯界今來魯而不穴又巢居故曰來巢傳曰書所無也是非常故書也公羊傳曰何以書記異也何異爾非中國之禽也宜穴又巢穀梁亦然案今大河以北皆有鸛鵒不得云非國之禽也宜穴又巢信

○秋七月上辛大雩季辛又雩

季辛下句之辛也言又重

然上事。重直龍反又直用反。疏注季辛至上事。正義曰月有三辛上推校此年七月已丑朔上辛月三日上辛二十三日也不書其日之辰空言辛者本見早甚欲知二雩相去遠近耳無取於辰故空書辛也季辛又雩不言大者言又見其重上事上辛是大雩明季辛亦大雩也春秋早則脩雩而得雨則書雩喜雩有益雩而不得雨則書早以明災成此書二雩者上辛雩而得雨雨少尋即為旱故季辛又雩傳曰秋書再雩早甚也是言前雩少得雨旱甚而復雩故賈云上辛不注是也公羊傳曰又雩者何又雩者非雩聚以逐季氏也公以九月始孫豈七月已與季氏戰乎若使時實不早亦不得託雩以聚眾矣

○九月己亥公孫于

齊次于陽州

諱奔故曰孫若自孫讓而去位者陽州齊魯竟上邑未敢直前故次于竟。孫音遜

本亦作遜注及傳齊侯唁公于野井濟南祝阿縣東有野井亭齊侯

同竟音境下同○齊侯唁公于野井○冬十月戊辰叔孫

至野井○唁音彥弔失國曰唁○○十有一月巳

媾卒公不與小斂而書日者公在外○十有一月巳

亥宋公佐卒于曲棘陳留外黃縣城中有曲棘十

有二月齊侯取鄆取鄆以居公也○鄆音運

傳二十五年春叔孫媾聘于宋桐門右師見

之右師樂大語甲宋大夫而賤司城氏司城樂

宗也卑賤謂昭子告其人曰右師其亡乎君子

貴其身而後能及人是以有禮唯禮可以貴身今

夫子卑其大夫而賤其宗是賤其身也賤人人

能有禮乎無禮必亡為定十年樂疏君子至必亡

法言云何以動而見敬曰敬人何以動而見侮曰侮人然則

貴人者人亦貴之卑人者人亦卑之此言凡人輕賤其身則

不能以尊貴之道及於他人若君子能自貴其身者已先貴

人欲其身之貴是以須有禮然後能以尊貴之道及於他人

既尊貴他人宋公享昭子賦新宮疏賦新宮

是以有禮○禮記云升歌鹿鳴下管新宮鄭玄云新宮小雅逸篇也其詩

既逸知是小雅篇者管即笙也以燕禮及鄉飲酒升歌笙歌

同用小雅知新宮必是小雅也昭子賦車轄詩小雅周

其詩辭義皆亡無以知其意也疏注詩小至賦

女以配君子昭子將為季孫迎宋公女故疏之○正義曰

賦之○韓本又作牽胡膳反將為于偽反疏之○正義曰

周人思得賢女以配君子車臺詩序也杜以下云逆女故知

將為季孫迎宋公之女故賦之杜必知為逆女而賦者以車

牽之詩論逆女之事其詩云間關車之牽兮思變季女逝兮

弈之詩與此正同又何不可而劉炫以為昭子賦車轄不為逆女又以新宮非昏姻之事而規杜過然新宮既亡焉知非是親好苟生異見於義非也。明日宴飲酒樂宋公使昭子右坐

坐宋公右以相近言改禮坐。樂音洛近附近之近禮坐如字又才臥反 [疏] 正義曰燕禮云司宮筵賓于戶西東上小臣設公席于階上西鄉是禮坐公西向賓南向也宋公使昭子右坐令在宋公之右蓋在宋公之北同西向以相近言其改禮坐也。語相泣也樂祁佐。退而告

人曰今茲君與叔孫其皆死乎吾聞之哀樂可樂而哀。樂哀音洛注及下同。而樂哀。皆喪心也心之精爽是謂魂魄魂魄去之何以能久。為此冬叔孫宋公卒傳。

喪息恨反下同。季公若之姊為小邾夫人。平子庶姑與公若同母故曰公若姊。正義曰公若即平子之叔父也若姊不言平子之姑而云公若之姊明公若是平子庶叔 [疏] 注平子至若姊。正義曰公若即平子之叔父也若姊不言平子之姑而云公若之姊明公若是平子庶叔

此姑與公若同母故曰公若姊也。生宋元夫人。宋元夫人平子之外姊。生子以

妻季平子昭子如宋聘且逆之。平子人臣而因卿逆季氏強橫。妻七計反。橫華孟反。公若從。從昭子。從才用反。又如字注同。謂曹氏勿與

魯將逐之。曹氏宋元夫人。曹氏告公公告樂祁樂祁曰與之如是魯君必出政在季氏三世矣。文子

武子 [疏] 注文子武子平子。正義曰武子生悼子悼子生平子。平子政在季氏唯云三世不數悼子者悼子未為卿而卒不執魯政故不數也。十二年傳曰季悼子之卒也叔孫昭子以再命為卿卿必再命乃得經書名氏七年三月經書叔孫婁如齊蒞盟其年十一月季孫宿卒是悼子先武子而卒平子以孫繼祖也。魯君喪政四

公矣。宣成襄昭無民而能逞其志者未之有也國君是以鎮撫其民詩曰人之云亡心之憂矣

詩大雅言無人則憂。魯君失民矣焉得逞其志靖

以待命猶可動必憂。為下公孫傳夏會于黃

父謀王室也。王室有子朝趙簡子令諸侯之大

夫。簡子趙鞅輸王粟具戍人曰明年將納王。納王於

子大叔見趙簡子簡子問揖讓周旋之禮焉

對曰是儀也非禮也。疏簡子至非禮。正義曰樂

禮之器也升降上下周旋揚襲禮之文也。又曰鋪筵席陳尊
俎列遷豆以升降為禮者禮之末節也。故有司掌之仲尼燕居
云子張問禮子曰師爾以為必鋪几筵升降酌獻酬酢然後
謂之禮乎言而履之禮也。又五年傳云公如晉自郊勞至于
贈賄禮无違者晉侯以為知禮女叔齊曰是儀也非禮也。此
問揖讓周旋之禮又云是儀也非禮也。凡此諸文皆言禮與
儀異禮之與儀非為大異但所從言之有不同耳禮是儀之
心儀是禮之貌本其心謂之禮察其貌謂之儀行禮必為儀

為儀未是禮故云儀非禮也。鄭玄禮序云禮者體也履也統
之於心曰體踐而行之曰履此訓兩釋良有以也。鄭謂體為
所以禮儀別也。簡子曰敢問何謂禮對曰吉也問

諸先大夫子產曰夫禮天之經也。經者道地之

義也。義者利民之行也。行者人所履行天地之

經而民實則之則天之明。日月星辰因地之性

高下剛柔疏。夫禮至之性。正義曰自夫禮至因地之性
地之性也。言夫禮本法天地也。自生其六氣至民失其性
言天用氣味聲色以養人不得過其度也是故為禮以下言
聖王制禮以奉天性不使過其度也。經常也。義宜也。夫禮者
天之常道地之宜利民之所行也。天地之有常道人民實法
則之法則天之明道因循地之恒性聖人所以制作此禮也。
此傳文於天言常則地亦常也。於地言義則天亦義也。覆言
天地之經明天地皆有常也。天有常明之義地有常利之義
也。覆云則天之明是天以明為常因地之性則地以性為義
是天以光明為常義地以剛柔為常義。義謂義理性謂本性

言天地性義有常可以為法故民法之而為禮也。注經者道之常義者利之宜。正義曰覆而無外高而在上運行不息日月星辰溫涼寒暑皆是天之道也。訓經為常故言道之常也。載而無弃物無不殖山川原隰剛柔高下皆是地之利也。訓義為宜故云利之宜也。杜以今文孝經云用天之道分地之利故天以道言之地以利言之天無形言其有道理也。地有質言其有利益也。民之所行法象天地象天而為之者皆是天之常也。象地而為之者皆是地之宜也。故禮為天之經地之義也。孝經以孝為天之經地之義者孝是禮之本禮為孝之末本末別名理實不異故取法天地其事同也。注行者人所履。正義曰民謂人也。人稟天地之性而生動作皆象天地其踐履謂之為行。但人有賢與不肖行有過與不及聖人制為中法名之曰禮。故禮是民之行也。行者人之所履也。易及爾雅並訓履為禮。是禮名由踐履而生也。人之本性自然法象天地。聖人還復法象天地而制禮教之。是禮由天地而來。故仲尼說孝子產論禮皆天地民三者並言之。注日月星辰天之明也。高下剛柔地之性也。正義曰則天之明杜以為日月星辰者以下傳云為父子兄弟昏媾姻亞以象天明若眾星之共北辰故知天明日月星也。杜知高下剛柔地之性者以下傳云為君臣上下以則地義則君高臣

下臣柔君剛地義則地之性也。傳文上下其理分明。入法天地其事多種。杜以天明地義舉要而言故不備顯刑罰威獄溫慈惠和劉炫責杜不具載其文而規其過非也。此傳文天言則地言因者民見地有宜利因取而法效之。因亦則之義也。既言天之經不可復言地之性故變文言因之與則互相通也。正明不可復言則地之性故變文言因之與則互相通也。正是變文使相辟耳。○生其六氣。謂陰陽風雨晦明。○用其五行。金木水火土。○氣為五味。酸鹹辛。○發為五色。青黃赤白黑發見也。○章為五聲。官商角徵羽。○浮則昏亂民失其性。

滋味聲色。○疏。生其至其性。○正義曰此言天用氣味聲色過則傷性。以養人不得過其度也。因上則天之下更復本之於天。傳稱天有六氣此言生其六氣謂天生之也。用其五行謂天用之也。上天用此五行以養人五行之氣入人之口為五味發見於目為五色。章徹於耳為五聲。味以養口色以養目。聲以養耳。此三者雖復用以養人。人用不得過度。過度則為昏亂使人失其恒性。故須為禮以節之。○注金木水火土。○正義曰洪範云五行一曰水二曰火三曰木四曰金

五曰土孔安國云皆其生數是其以生數為次也大禹謨說
六府云水火金木土穀五行之次與洪範異者以相刻為次
也此注言金木水火土者隨便而言之不以義為次也五物
世所行用故謂之五行五者各有材能傳又謂之五行此傳
所說禮意意在味色聲也但味色聲本於五行而來五行又
是六氣所生故先言六氣五行然後至於味色聲也釋名五
氣於其方各施行白虎通云言為五行氣故謂之五行○注
酸鹹辛苦甘○正義曰洪範又演五行云水曰潤下火曰炎
上木曰曲直金曰從革土爰稼穡潤下作鹹炎上作苦曲直
作酸從革作辛稼穡作甘孔安國云鹹水鹵所生苦焦氣之
味酸木實之性辛金之氣味甘土生於百穀是言五行之氣
為五味水味鹹火味苦木味酸金味辛土味甘也五行本性
自有此氣氣至於人乃為五味味之為異入口乃知言氣氣
為五味謂氣入口與下章也發也者據人知為文味為性所
有是形之貌聲是質之響色可近視聲可遠聞自近以及
遠故以口耳目所知味色聲為次也○注青黃至見也○正
義曰五色五行之色也木色青火色赤土色黃金色白水色
黑也木生柯葉則青金被磨礪則白土黃火赤水黑則本質
自然也發見也謂見於人目有此五色○注宮商角徵羽○
正義曰聲之清濁差為五等聖人因其有五分配五行其本

未由五行而來也但既配五行即以五者為五行之聲土為
宮金為商木為角火為徵水為羽聲之清濁入耳乃知章微
於人為五聲也此言章為五聲元年傳云徵為五聲章微不
同者據聲之至人是為章微據人之知聲則為徵驗是彼此
之異言耳○注滋味至傷性○正義曰老子云五味令人口
臭五色令人目盲五音令人耳聾言其過耽者之則有此病
是其過則**是故為禮以奉之**制禮以奉其性**為六畜**馬牛
傷本性也犬豕○畜許又反又楮六反**五牲**麋鹿麝狼兔○麋亡悲**三犧**祭天
謂三者以奉五味為九文謂山龍華蟲藻火粉米黼
謂之犧以奉五味為九文黻也華若草華藻水草火
畫火龍黼黻昭其文也○黼音甫黻音弗疏是故至五
曰口欲嘗味目欲視色耳欲聽聲人之自然之性也欲之不
已則失其性聖人慮其失性是故為禮以奉養其性使不失
也牲犧祭祀所用非人所食而以牲儀奉五味者禮推人道
以事神之所享皆是人食尊鬼神而異其名耳故亦為奉
五味○注馬牛羊雞犬豕○正義曰爾雅釋畜馬牛羊犬雞
五者之名其在釋獸之篇畜養也家養謂之畜野生謂之

獸豕有野豕故因記之於釋獸耳又釋畜之末別釋馬牛羊
豕犬雞六者之名其下題曰六畜謂此是也周禮膳夫云膳
用六牲是庖用六牲也庖人掌其六畜鄭玄云六牲馬牛羊
豕犬雞六畜即六牲也始養之曰畜將用之曰牲是畜牲一
也○注麋鹿麇狼兔○正義曰十一年傳曰五牲不相為用
注云五牲牛羊豕犬雞此異彼者以上文已言六畜則五牲
非六畜故別解之周禮庖人掌其六獸鄭眾云六獸麋鹿熊
麇野豕兔鄭玄云獸人冬獻狼夏獻麋又肉則無熊則六畜
當有狼而熊不屬今杜解五牲之名用鄭玄云將用之曰牲
豕而以其餘當之也傳稱牛卜曰牲鄭玄云將用之曰牲
此五者實獸也據其將用祭祀故名之曰牲服虔云牲麇鹿
熊狼野豕○注祭天至之犧○正義曰尚書泰誓武王數紂
之罪云乃夷居弗事上帝神祇遺厥先宗廟弗祀犧牲染盛
既于凶盜於神祇宗廟之下摠言犧牲杜雖不見古文其言
闇與之會是祭天地宗廟之牲謂之犧也然則犧亦六畜而
別言之者周禮牧人凡祭祀共其犧牲以授充人繫之鄭玄
云犧牲毛羽完具也授充人者當殊養之然則六畜之內取
其毛羽完具別養以共祭祀者乃名為犧故與六畜異言之
也服虔云三犧馬騂雉也○注謂山至文也○正義曰尚書
益稷篇云帝曰予欲觀古人之象日月星辰山川龍華蟲作會

宗彝藻火粉米黼黻絺繡以五采彰施于五色作服汝明尚
書之文如此其解者多有異說孔安國云日月星為三辰華
象草華蟲雉也畫三辰山龍華蟲於衣服旌旗會五采也以
五采成此畫焉宗廟彝樽亦以山龍華蟲為飾藻水草有文
者火為火字粉若粟冰米若聚米黼若斧形黻為兩巳相背
葛之精者曰絺五色備曰繡如孔此言日月也星辰也山
也龍也華也蟲也七者畫於衣服旌旗山川龍華蟲四者亦畫
於宗廟彝器藻也火也粉也米也黼也黻也六者繡之於裳
如此數之則十三章矣天之數不過十二若為十三無所
法象或以為孔并華蟲為一其言華象草華蟲雉者言象草
華之蟲故為雉也若華別似草安知蟲為雉乎未知孔意必
然以否鄭玄讀會為績謂畫也絺為繡謂刺也宗彝謂虎雉
也周禮宗廟彝器有虎彝雉彝故以宗彝名虎雉也周禮有
衮冕鷩冕毳冕其衮鷩毳者各是其服章首所畫舉其首章
以名服耳衮是衮龍也衮冕九章以龍為首鷩是華蟲也鷩
冕七章以華蟲為首毳是虎雉也毳冕五章以虎雉為首虎
毛淺雉毛深故以毳言之毳亂毛也如鄭此言則於尚書之
文其章不次故於周禮之注具分辨之鄭於司服之注具引
尚書之文乃云此古天子冕服十二章鄭或作繡字之誤也
王者相變至周而以日月星辰畫於旌旗所謂三辰旌旗昭

其明也而冕服九章登龍於山登火於宗彝尊其神明也九章初一日龍次二曰山次三曰華蟲次四曰火次五曰宗彝皆畫以爲繡則袞之衣五章裳四章凡九也鷩畫以雉謂華蟲也其衣三章裳四章凡七也毳畫虎雖謂宗彝也其衣三章裳二章凡五也是鄭玄之說華蟲爲一粉米爲一也杜之此注亦以日月星辰畫於旌旗九文唯言衣服之文謂山也龍也華也蟲也藻也粉米也黼也黻也以此爲九杜言華若草也詩云魚在藻爲水草也孔安國云火爲火字考工記畫也續之事火以圖鄭衆云爲圓形似火鄭玄云形如半環然則杜言火畫火蓋同安國爲火字也粉米色白故粉米若白米也考工記曰白與黑謂之黼孔安國云黼若斧形謂刀白而身黑故若斧也黻爲兩已相戾今之刺黻猶然也引桓二年傳曰火龍黼黻昭其文也者以證此九文是山龍之屬也世本云胡曹作冕注云胡曹黃帝臣也繫辭云黃帝堯舜垂衣裳而天下治蓋取諸乾坤則冕服起於黃帝也加飾起自唐虞卽書云予欲觀古人之象云云是也所以衣服畫日月星等者象王者之德照臨天下如三光之耀也山體鎮重象王者之德鎮重安靜四方又能潤益含靈如山與雲致雨也龍

者水物也象王者之德流通無壅如水利蒼生又龍舒卷變化無方象人君有無方之德也華蟲則鷩雉有文章表王者有文章之德也宗彝彝常也宗廟之常器有六彝今唯取虎雖者虎取毛淺而有威雖取毛深而有知以表王者有深淺之知威猛之德也藻者水草是鮮紫之物生於清水能隨短長象王者之德冰清玉潔隨機應物隨民設教不肅而成也火者火姓炎上用表王者之德能使率土羣黎向歸上命也粉米者米能濟人之命表王者有濟養之德也黼白與黑也黑與青謂之黻作兩已字相背象王者能綏化兆民能使向已背惡以從善故爲黻也日月星辰之質赤月星之質白山作獐考工記云山以獐也龍爲騰躍之形似獬豸而大也章次如此者王者與天地合其德日月星辰用昭明日最爲盛所以居先月星光劣其次之也上以象天下宜法地之地形勢莫大於山故次三光也龍爲水物水出於山故次之也華蟲象於禮樂文章以禮樂文章潤於萬物故以次龍也宗彝所以知則教不成故以次也藻所以次宗彝者乃行無威則民不畏無世而應故以次也火者言王者有德必向歸仰之如火向上故次之也米所以次火者民既歸王王須濟活濟活之理得

米為生故次之也。黼所以次米者言王者能濟活兆民宜裁斷合理如斧之斷決故以次之。黻所以次黼者王既裁斷得所善惡各有分宜人皆背惡從善故以次之。六采 畫績之事雜用天地四方之相次謂之六采。疏 注畫績至六采。正義曰考工記云畫績戶對反。疏 績之事雜五色東方謂之青南方謂之赤西方謂之白北方謂之黑天謂之玄地謂之黃青與白相次赤與黑相次玄與黃相次鄭玄云此言畫績六采所象及布采之第此杜取彼五章以奉五色。疏 注青與白謂之章白與黑謂之黼黑與青謂之黻五色。疏 注青與白謂之備謂之繡集此五章以奉成五色之用。疏 注青與白謂之謂之繡以上皆考工記文也此刺繡之文以比方相次色亦采也六采謂績畫五色謂刺繡故令色采之文異耳鄭注尚書性曰采施曰色味色聲三事色居其中故杜言集此五章以奉成五色之用明上下二文亦準此所陳以奉成五味五聲之用舉中。為九歌八風七音六律以奉五聲。以明上下也。君臣上下以則地義。法 君臣有尊卑地有高下。為

夫婦外內以經一物

夫治外婦治內各治其物

疏

為君至二物正義曰此更

覆上因地之義也為父子以下至生殖長育覆上則天之明也地有高下聖人制禮為君臣上下君在上臣在下以法則地之義也以地有剛柔為夫婦外內夫治外婦治內以經紀二物也物事也治理外內之二事也上云天之經也地之義也又云則天之明因地之性再重言之皆先天後地但法地事少則天事多故上先言法天後言法地此先云為君臣上下以則地義始云為父子兄弟以象天明者以其則地事少故先言之象天事多欲下就以從四時類其震曜殺戮及生殖長育皆是象天之事欲使文相連接故後言之也下云以象天明則此當云以象地性而云以則地義者義之與性一也因其先言故遠。為父子兄弟姊妹甥舅昏媾。覆上文地之義也。姻亞以象天明。六親和睦以事嚴父若眾星之共辰極也妻父曰昏重昏曰媾婿父曰姻兩婿相謂曰亞。媾古豆反姻音困。疏 注六親至曰亞。亞於嫁反本亦作姪同重直龍反。疏 正義曰老子云六親不和焉有孝慈六親謂父子兄弟夫婦也孝經曰孝莫大於嚴父論語云北辰居其所而眾星共之六親父為尊嚴眾

星北辰為長六親和睦以事嚴父若眾星之共北極是其象

天明也妻父為昏婿父為姻兩婿相謂曰亞皆釋親文也重

昏曰媾爾雅無文相傳說耳釋親又曰男子先生為兄後生

為弟男子謂女子先生為姊後生為妹父之姊妹為姑母之

舅弟為舅謂我舅者吾謂之甥此皆為政事庸力行

世俗常言杜不解者為易知故也

務以從四時在君為政在臣為事民功曰庸治功曰力

反注在君至本也。正義曰論語云冉子退朝子曰何

聞之於時冉子仕於季氏稱季氏有政孔子謂之為事是在

君為政在臣為事也此對文別耳論語稱孝友是亦為政明

其政事通言也民功曰庸治功曰力周禮司勳文也鄭玄以

為庸謂法施於民若后稷力謂制法成治若咎繇司勳又云

王功曰勳國功曰功事功曰勞戰功曰多鄭注云王功者若

周公國功者若伊尹事功者若禹戰功者若韓信陳平行其

德教務其時要使民春耕夏耘秋斂冬藏為刑罰威獄

聖王之化先致力於民是為禮之本也

使民畏忌以類其震懼殺戮雷震電曜天之威也

聖人作刑戮以象類

之為溫慈惠和以效天之生殖長育民有好

惡喜怒哀樂生于六氣此六者皆稟陰陽風雨晦

丈反好呼報反注及下於好皆同惡烏路反疏注此六至

下注及下於惡皆同樂音洛下及注皆同疏注此六至

義曰賈逵云好生于陽惡生于陰喜生于風怒生于雨哀生

於晦樂生于明謂一氣生於一志謬矣杜以元年傳云天有

六氣降生五味謂六氣共生五味非一氣生一味此民之六

志亦六氣共生之非一氣生一志故云此六者皆稟陰陽風

雨晦明之氣言其是故審則宜類以制六志為禮

稟六氣而生也

好惡喜怒哀樂疏是故至六志。正義曰民有六志其志

六志使不過節疏無限是故人君為政審法時之所宜事

之所類以至民之六志使之不過節也下云審行信令謂人

君行之知此審則宜類亦是人君則之審者言其謹慎之意

也此六志禮記謂之六情在已為情哀有哭泣樂有

情動為志情志一也所從言之異耳

歌舞喜有施舍怒有戰鬪喜生於好怒生於

春大流卷五十一

惡是故審行信令禍福賞罰以制死生生好
物也死惡物也好物樂也惡物哀也哀樂不
失乃能協于天地之性是以長久也。簡子

曰甚哉禮之大也對曰禮上下之紀天地之

經緯也經緯錯居以相成者疏天地之經緯。正義曰言禮之於

乃成文如天地得禮始成就。民之所以生也是以先王尚之故

人之能自曲直以赴禮者謂之成人夫不亦

宜乎曲直以疏故人至宜乎。正義曰劉炫云禮有宜

直以赴於禮者謂之為成人不能赴禮則不成為人謂之為

未當。注曲直以弼其性。正義曰性曲者以禮直之性直者以禮曲之故云曲直以弼其性也。簡子曰

鞅也請終身守此言也鞅能守此言故終免於晉陽之難。以赴禮者赴或

作從難乃且反宋樂大心曰我不輸粟我於周為客

二王後為賓客若之何使客晉士伯曰自踐土以來踐

在僖二十八年宋何役之不會而何盟之不同曰同恤

王室子焉得辟之子奉君命以會大事而宋

背盟無乃不可乎右師不敢對受牒而退右師

樂大心。焉於虔。疏受牒而退。正義曰說文云簡牒也

反背音佩下同。牒牒札也於時號令輸王粟具戍人宋

之所出人粟之數書之於牒受牒而退言服從也。士伯告簡子曰宋右師必

亡奉君命以使之而欲背盟以干盟主無不祥

大焉言不善無大此者為定十年宋○有鸚鵡來巢

樂大心出奔傳。使所吏反。

書所無也師已曰異哉吾聞文武之世童謠

有之師已魯大夫。已音紀一音祀謠音遙。曰鸚鵡之鵠之公出辱之

言鸚鵡來則公出辱也。疏鸚鵡之鵠之。正義曰此鳥以兩字為名但謠辭必韻故分言之。鸚鵡之

羽公在外野往饋之馬饋遺也。饋音求。位反遺唯季反。鸚鵡跌

跌公在乾侯跌跌跳行貌。跌張于反又張留反跳直彫反。徵褰與襦

褰起虔反字林已假反又音愆襦本或作襦而朱反袴苦故反說文作袴。疏注褰袴。正義曰內則云童子

不衣襦袴是衣有袴也。以可褰行故以褰為袴。鸚鵡之巢遠哉遙遙稠父

喪勞宋父以驕稠父昭公死外故喪勞宋父定公代立故以驕。稠直留反父音甫下同

喪息浪喪息浪反注同鸚鵡鸚鵡往歌來哭昭公生出歌死還哭童謠有是

今鸚鵡來巢其將及乎將及禍也○秋書再雩旱

甚也疏秋書再雩旱甚。正義曰既言旱甚而經不書

然而後雩得雨不一。至成災故不書旱。初季公鳥娶妻於齊鮑文子

生甲公鳥季公亥之兄平子庶叔父。娶七佳反。公鳥死季公亥與公

思展與公鳥之臣申夜姑相其室公亥即公若也展季氏族

相治也。夜本或作射音夜又音亦相息亮反注同。及季姒與饗人檀通季姒

妻鮑文子女饗人食官。似音似檀直丹反人名也或市戰反。而懼乃使其妾扶已

以示秦過之妻秦過魯大夫妻公鳥妹秦姬也。扶勅乙反過市專反。曰公若

欲使余余不可而扶余又訴於公甫公甫平子弟。訴音

素又作愬。曰展與夜姑將要余要劫我以非禮。展與夜

姑也與及也讀或作餘音者非也要一遙反下同。秦姬以告公之公之亦平子弟公

之與公甫告平子平子拘展於卞而執夜姑

將殺之公若泣而哀之曰殺是是余殺也將

為之請平子使豎勿內日中不得請有司逆

命執夜姑之有司欲迎受殺生之命。為干僞反。公之使速殺之故公若

怨平子季郈之雞鬪季平子郈昭伯二家相近故雞鬪。郈音后字林下遘反近附

近之近季氏介其雞鬪芥子播其羽也或曰以膠沙疏

又知字注掃芥至介雞。正義曰杜此二解一讀介為芥掃芥子為未播其雞羽賈逵云掃芥子為未播其雞翼可以至郈氏雞目是此說也鄭云介甲也為雞著甲高誘注呂氏春秋云

以膠塗雞之足爪然後以沙糝之令其澀得傷彼雞也以郈氏為金距言之則著甲是也郈氏為之

金距平子怒怒其不下己。下退嫁友。益宮於郈氏侵郈氏室以自益。

且讓之讓責也。故郈昭伯亦怨平子臧昭伯之從

弟會昭伯臧為子。從才。用反後從者皆同。為讒於臧氏而逃於季

氏臧氏執旃平子怒拘臧氏老將禘於襄公

萬者二人其眾萬於季氏禘祭也萬舞也於禮公當三十六人。禘大計

反疏將禘至季氏。正義曰季氏私祭家廟與禘同日言將禘是豫部分也樂人少季氏先使自足故於公萬

者唯有二人其眾萬於季氏輕公重已故大夫遂怨。注禘

祭至六人。正義曰釋例曰三年喪畢致新死之主以進於

廟於是乃大祭於大廟以審定昭穆謂之禘禘於大廟禮之

常也各於其宮時之為也雖非三年大祭而書禘用禘禮也

釋天云禘大祭也執干戚而舞謂之萬舞也隱五年傳說舞

侑之差云諸侯用六是於禮法當三十六人也此以正禮言

耳亦不知當時魯君用六侑以否公羊傳曰昭公告子家駒

曰季氏僭公室吾欲弑之何如子家駒曰諸侯僭天子大夫

僭諸侯久矣公曰吾何僭矣哉子家駒曰設兩觀乘大路朱

干玉戚以舞大夏八佾以舞大武此皆天子之禮也如彼傳

文當時或借八俗。臧孫曰此之謂不能庸先君之

偷不必用六也。廟不能禮也蓋疏注蓋襄公別立廟。正義曰杜以

廟襄公別立廟。襄若以次遞毀則廟與先公同處

禘於襄公亦應兼祭餘廟今特云禘於襄公似與先公異處故云蓋襄公別立廟。大夫遂怨平

子公若獻弓於公為公為昭公子務人且與之出射於

外而謀去季氏公為告公果公賁果賁皆公為弟。去起呂

將以戈擊之乃走公曰執之亦無命也獨言執之無勅

使言公執戈以懼之乃走又使言公曰非小

人之所及也謂僚祖為小人。數所主反下數世同見賢遍反。公果自言

公以告臧孫臧孫以難言難逐。難如字注同。告郈孫郈

孫以可勸告子家懿伯子家羈莊公之玄孫。郈孫以可絕句勸勸公逐季

也懿伯曰讒人以君徼幸事若不克君受其

名受惡名。徼古堯反。人謂公若郈孫之徒讒季不可為也疏

氏者勸君使伐季氏以君徼天之幸幸而得勝則以為己功不勝則推君為惡不可從也舍民數世

以求克事不可必也疏舍民至必也。正義曰克

已經數代今以求勝此事不可必也且政在焉其難圖也公退之退

館於公音捨辭曰臣與聞命矣言若洩臣不獲死乃

子如闕闕魯邑。闕口暫反。公居於長府長府官九月戊戌

春秋疏卷五十一

伐季氏殺公之于門遂入之平子登臺而請

曰君不察臣之罪使有司討臣以干戈臣請

待於沂上以察罪弗許

魯城南自有沂水平子欲出城待罪也大沂水出蓋縣南

至下邳入泗疏

注魯城至入泗。正義曰。例土地名襄十年沂魚依反。八年沂水出東莞蓋縣艾山南經琅邪東海至下邳縣入泗此沂水出魯國魯縣西南入泗水是沂水有二也此注云魯城南自有沂水謂出魯縣者也又云大沂水出蓋縣南至下邳入泗謂襄十八年之沂水也以其有二故辯明之。

請囚于費弗許

請以五乘亡弗許子家子曰君其許之政自

之出久矣隱民多取食焉

隱約窮困。乘繩證反。為之徒

者眾矣曰人慝作弗可知也

慝姦惡也曰冥姦人將起叛君助季氏不可知。慝他得反冥亡定反。眾怒不可蓄也

同蓄而弗治將蒞

蒞積也。蒞本亦作蒞紆粉反。蒞蓄民將生

心生心同求將合

與季氏同求叛君者。君必悔之弗聽

孫曰必殺之公使郈孫逆孟懿子

懿子仲孫何忌。叔

孫氏之司馬驪戾言於其眾曰若之何莫對

眾疑所助。驪子公反戾力計反。又曰我家臣也不敢知國凡有

季氏與無於我孰利皆曰無季氏是無叔孫

氏也驪戾曰然則救諸帥徒以往陷西北隅

以入

陷公圍也。陷陷沒之。陷隅本或作隅音同。公徒釋甲執冰而踞

言無戰心也。冰積丸蓋或云積丸是箭筒其蓋可以取飲。踞音據。積音獨。丸胡官反。箭音童。又音動。一音勇。疏

公徒至而踞。正義曰二十七年傳說此事云豈其伐人而說甲執冰以游則此踞是游也。曲禮云遊無倨倨是慢也。謂

春秋疏卷五十一

傲慢而遊戲。○注言無至取飲。○正義曰賈逵云冰積丸蓋也。則是相傳為此言也。方言曰弓藏謂之韃。或謂之積丸。如彼文則積丸是盛弓者也。此或說積丸是箭筒。其蓋何以取飲。十三年傳云司鐸射奉壺飲冰。謂執此也。詩云抑釋柶。忌抑。柶弓。忌。柶藏弓。則冰藏矢也。毛傳云柶所。以覆矢。柶與冰字雖異。音義同。是一器也。○遂逐之。○徒。公。

孟氏使登西北隅以望季氏。見叔孫氏之旗。以告孟氏。執郈昭伯殺之于南門之西。遂伐

公。徒子家子曰。諸臣僞劫君者而負罪。以出

君止。使若非君本意者。君自可止不出。○疏。子家至君止。○正義曰。子家是諸臣所劫。今子家意欲得令諸臣等僞作劫君。以伐季氏者。令負罪而出。君自可止住。意如之事

君也不敢不改。意如季平子名。公曰。余不忍也。與臧孫如墓謀。辭先君且謀所奔。○遂行。已亥。公孫于齊。次于陽

州。齊侯將唁公于平陰。公先至于野井。齊侯

曰。寡人之罪也。使有司待于平陰。為近故也。

齊侯自咎。本不勅有司。遠詣陽州。而欲近會于平陰。故令魯侯過共。先至野井。遠見迎逆。自咎以謝公。○為于僞反。咎其九反。下同。書曰。公孫于齊。次于陽州。齊侯唁公

于野井。禮也將求於人。則先下之禮之善物也。

物事也。謂先往至野井。○下。遐。嫁。反。齊侯曰。自莒疆以西。請致

千社。二十五家為社。千社二萬五。○疆。居。良。反。○疏。正義曰。禮有里社。故特牲稱唯為社事。單出里以二十五家為里。故知二十五家為社也。以待君命。命。寡人將帥敝賦。以從執事。唯命是聽。君之

憂寡人之憂也。公喜。子家子曰。天祿不再。天

若胙君不過周公以魯足矣失魯而以千社

為臣誰與之立為齊臣。胙才路反。疏曰天祿至之立。正義謂得齊千社復得魯國也。胙報也。天若報君終不得過於周。公周公止封魯以魯封君足矣。若既得魯國又得千社則是過周公矣。周公理不可過得齊千社。失魯國也。既失魯國而以千社為臣於齊誰復與之立也。言從君之人皆將棄君去矣。

且齊君無信不如早之晉弗從臧昭伯率

從者將盟載書曰戮力壹心好惡同之信罪

之有無信明也。處者有罪從者無罪。戮音六。又力彫反。繾繾從公無通

外內繾繾不離散。繾音遣。繾起阮反。以公命示子家子子家子

曰如此吾不可以盟羈也不佞不能與二三

子同心而以為皆有罪從者陷君留者逐君皆有罪也。或欲通外

內且欲去左右去君偽負罪出奔。不必繾繾從公。二三子好亡而惡

定焉可同也陷君於難罪孰大焉通外內而

去君君將遠入弗通何為而何守焉乃不與

盟何必守公。奸呼報反。惡烏路反。焉可於虔反。難乃旦反。不與音預。昭子自闕歸見

平子平子稭穎曰子若我何昭子曰人誰不

死子以逐君成名子孫不忘不亦傷乎將若

子何平子曰苟使意如得改事君所謂生死

而肉骨也昭子從公于齊與公言子家子命

適公館者執之恐從者知叔孫謀。稽音啓。穎息黨反。公與昭子言

於幄內曰將安眾而納公昭子請歸安眾。幄於角反。公徒

於幄內曰將安眾而納公

昭子請歸安眾

將殺昭子

疏

公徒將殺昭子。正義曰昭子謀歸安眾而後納公則獨公得入從公伐季氏

者不得入故

伏諸道

伏

左師展告公公使昭子

自鑄歸

鑄之樹反

平子有異志

不欲復納公復扶又反

冬十

月辛酉昭子齊於其寢使祝宗祈死戊辰卒

恥為平子所欺因祈而自

左師展將以公乘馬而

歸公徒執之

展魯大夫欲與公俱輕歸。乘如字騎馬也輕遣政反

疏

左師至而歸。

正義曰古者服牛乘馬以駕車不單騎也至六國之時始有單騎蘇秦所云車千乘騎萬匹是也曲禮云前有車騎者禮記漢世書耳經典無騎字也茲謂此左師展將以公乘馬而歸欲共公單騎而歸此騎馬之漸也

尹文公涉于鞏焚東訾弗克

文公子朝黨於鞏縣涉洛水也東訾敬王

邑○十一月宋公元公將為公故如晉

請納公。為音于偽反

夢天子爨卽位於廟已與平公服而相之

公平

元公父。相息亮反

疏

服而相之。正義曰言已與父平公盛服飾而輔相之也

且召六卿

公曰寡人不佞不能事父兄

父兄謂華向

以為二三

子憂寡人之罪也若以羣子之靈獲保首領

以歿唯是楸柎所以藉幹者

楸柎棺中答牀也幹骸骨也。歿音沒楸

蒲田反柎步口反又音附藉在夜反答力丁反骸戶皆反**疏**注楸柎至骨也。正義曰木以藉脅明是棺中答牀也宋元所言藉幹者舉脅而言耳非獨為脅故云幹骸骨也請無及先

君

欲自

仲幾對曰君若以社稷之故私降昵

宴羣臣弗敢知

昵近也降昵宴謂損親近聲樂飲食之事。昵女乙反

若夫

宋國之法死生之度先君有命矣羣臣以死

守之弗敢失隊臣之失職常刑不赦臣不忍其死君命祇辱言君命必不行祇適也宋公遂行

已亥卒于出棘為明年梁丘○十二月庚辰齊

侯圍鄆欲取以居公不書圍鄆故云鄆人自服不成圍以傳云書取言易也故賈為此解

杜從之也劉炫以為此時圍鄆而未得明年方始取之經即因圍書取傳言實圍之日非自服也而規杜氏今知非者案

以不書圍案元年伐莒取鄆書取不言伐此圍鄆取鄆亦書取不言圍其義正同何為不可劉何知此年圍鄆未服鄆若

未服經何得書取苟出○初臧昭伯如晉臧會竊其

寶龜僕句○初臧昭伯如晉臧會竊其

釋魚云一曰神龜二曰靈龜三曰攝龜四曰寶龜五曰文龜六曰筮龜七曰山龜八曰澤龜九曰水龜十曰火龜則龜名

无僕句故云所出地之名臧氏有蔡又有此蓋所寶非一以下為信與僭僭吉僭

信也○僭子臧氏老將如晉問問昭伯會請往代

老行昭伯問家故盡對故事及內子與母弟叔

孫則不對內子昭伯妻不再三問不對歸及郊

會逆問又如初對又不至次於外而察之皆無

之執而戮之逸奔邠邠鮪假使為賈正焉在邠

東平无鹽縣東南鮪假邠邑大夫賈正掌貨疏使為賈正

物使有常價若市吏○鮪音房賈音嫁注同疏焉○正義

曰賈正如周禮之賈師也賈師二十四則一人其職云各掌

其次之貨賄之治辨其物而均平之禁貴賣者使有恒賈此

邠邑大夫使為賈正使為邠市之賈正也邠在後為計於

叔孫私邑此時尚為公邑故使賈正通計簿於季氏計於

季氏送計簿於季氏臧氏使五人以戈楯伏諸

○簿步戶反

春秋左傳卷五十一

桐汝之間

桐汝里名。楯食準反。又音允。

會出逐之反奔執諸

季氏中門之外平子怒曰何故以兵入吾門

拘臧氏老季臧有惡相怨惡及昭伯從公平子

立臧會立以為臧氏後會曰僕句不余欺也傳言卜筮之驗善惡由人

○楚子使遠射城州屈復茹人焉還復茹人於州屈。屈居

勿反。一音其勿。反茹人音加。城上皇遷訾人焉移訾人於丘皇使熊相

謀郭巢季然郭卷使二大夫為巢卷築郭也。卷城在南陽葉縣南。相息亮反。謀音梅。卷音權或眷勉。反為于偽反。子大叔聞之曰楚王將死矣使

民不安其土民必憂憂將及王弗能久矣為明

年楚子居卒傳○春秋左傳注疏卷第五十一

春秋左傳注疏卷五十一按勘記 阮元撰盧宣旬摘錄

附釋音春秋左傳注疏卷第五十一 昭二十四年盡二十五

經二十四年

經二十四年 石經宋本淳熙本四上有有字是也

杞伯郁釐卒 諸本作釐北宋刻釋文作釐云本又作釐

傳二十四年

注度謀至無害 宋本以下正義二節摠入此周所以興也節注下

大誓曰 石經初刻大誤泰後改正

余有亂臣十人 石經初刻十誤臣後改正與襄廿八年傳合妄人於亂字旁復加臣字諸本遂仍其誤說

見前

晉侯至周故

宋本此節正義在注衆言子朝曲故之下

今王室實蠢蠢焉

惠棟云說文引作蠢蠢三體石經作載尚書蠢字說文引作載古蠢字皆作載俗作

春賦

餅之馨矣

諸本作餅釋文作瓶云本又作餅

注詩小至恥之

宋本此節正義在期以明年注下

刺幽王之詩也

監本毛本幽作厲非也

王子朝用成周之寶珪于河

石經王字以下一行計九字周之寶珪四字改刻釋文云本或

作沈於河陳樹華云史記周本紀引傳云子朝用成周之寶珪沈於河漢書五行志引作王子鼂吕成周之寶珪湛于河古文沈作湛然則石經所刊去者乃沈字也

晉以温兵助教王南侵子朝

岳本兵作人

王定而獻之

釋文云本或作王定之小字宋本淳熙本玉作玉非也

不佞獻玉

宋本閩本監本毛本玉作玉案六經正誤云注疏本作獻王臨川本作獻玉

吳踵楚

惠棟云依說文當作踵踵相迹也

王及圍陽而還

宋本以下正義二節摠入其王之謂乎注下

鍾離不書告敗略

淳熙本書誤重

爲定四年吳入郢傳

監本四年二字模糊入誤人毛本同

叔詣

明翻岳本詣誤諧

有鸚鵡來巢

釋文云鸚本又作鸛陳樹華云高誘注淮南子原道訓作鸛

鸚鵡不踰濟

此本不字下衍○今刪

非國之禽也

宋本監本毛本非下有中字是也

上辛二十三日也

監本毛本上作季宋本作下

非雩聚以逐季氏也

宋本雩下有也字聚下有衆字與公羊傳合

傳二十五

唯禮可以貴身

淳熙本貴誤責

君子至必亡

宋本以下正義四節摠入皆喪心也節注下

還賦韓奕之詩

監本毛本奕作奕

非昏姻之事

監本昏作昏毛本作婚

今茲君與叔孫其皆死乎

閩本監本毛本今誤令

注平子至若姊

宋本以下正義二節摠入注文爲下公孫傳之下

簡子至非禮

宋本以下正義十六節摠入請終身守此言也注下

行人人所履行

宋本淳熙本岳本足利本無行字是也

而民實則之

惠棟云案古文孝經實作是是即古寔字見尚書秦誓及詛楚文鄭氏詩箋云趙魏之東寔實同聲故此傳又作寔

言聖王制禮以奉天性

閩本監本毛本王作人非也

載而無弃

閩本監本弃作棄毛本作事非也

因地之利

閩本監本毛本因作分

其踐履謂之爲行

宋本其下有所字

爲父子兄弟昏媾姻亞

毛本昏作媾亞作姪閩本監本亦作姪按姪俗字說文無

以相刻爲次也

閩本監本毛本刻作尅

言氣氣爲五味

宋本氣字不重

謂氣入口

宋本入下有人字

其本末由五行而來也

宋本毛本末作不

入耳乃知章徹於人爲五聲也

閩本監本知作是

華若草華

閩本監本毛本下華字誤葦

服虔云牲

宋本云下有五字是也

其言闇與之會

監本毛本會作合

絺爲繡謂刺也

宋本閩本監本毛本作繡段玉裁按本作絺作繡

絺或作繡字之誤也

毛本絺作絺段玉裁按本作絺作繡

皆絺以爲繡

監本毛本絺作畫非也

粉米也

宋本粉上有火也二字是也

杜言華若草華

閩本下華字誤華毛本草作草亦非

爲水草也

宋本爲水上有是藻二字是也

形如半環

毛本半誤米

今之刺黻猶然也

監本毛本黻誤黻

王者與天地合其德

毛本天誤大

以比方相次

閩本監本毛本比作北

釋親又曰

閩本監本又作文非也

稱季氏有政

毛本季誤李

周禮司勳文也

毛本司誤以

謂法施於民 毛本法誤云

雷震電曜 後漢書馬融傳注引作雷霆震耀

聖人作形戮以象類之 宋本淳熙本戮作獄與漢書馬融傳注引同

故人之能自由直以赴禮者 釋文云赴或作從石經赴字改刊似初刻作從也

受牒而退 宋本此節正義在無不祥大焉注下

吾聞文武之世 石經宋本岳本武作成謂文公成公也陳樹華云史記漢書論衡異虛篇李善幽通賦注引並作文成按劉氏史通亦作文成

鸚之鴝之 宋本以下正義二節在注將及禍也下

鸚鵡跣跣 李善注文選魏都賦引作株株云株音誅

徵褰與襦 淳熙本馬本濡誤襦釋文云本或作襦惠棟云方言曰袴齊魯之間謂之襦郭璞云傳云徵襦與襦

音騫說文作褰

褰袴 釋文袴下有也字說文作袴

遠哉遥遥 案漢書五行志作遠哉搖搖師古曰搖搖不安之貌賦琳曰遙為俗字當從漢志作搖五經文字序

云道遙之類說文肅略者今得之於字林說文新附道遙字臣鉉等案詩只用消搖此二字字林所加可證今詩黍離中心搖搖不作遙遙白駒作於焉逍遙非古也

稠父喪勞 石經宋本小字宋本岳本足利本作稠父與漢書五行志引傳合

宋父以驕 監本父誤公

不一至成災 宋本無一字是也

生甲 淳熙本岳本纂圖本毛本甲誤申顧炎武云石經申誤作甲非也

季氏介其雞 釋文云介又作芥初學記引傳同案正文祇作介故有訓為甲鑑者有訓為芥子者正文不得

作芥也

擣芥至介雞

宋本以下正義十四節摠入公徒執之注

萬者二人

惠棟云吳仁傑曰淮南書云禱於襄廟舞者二人案傳氏云四人為列尚不成樂況二人乎人當作

亦無命也

石經無字起一行計九字

公使戈以懼之

石經宋本淳熙本岳本足利本使作執不誤

臧孫以難

石經難字起一行計九字字多殘缺

讒人以君微幸

諸本作微石經此處殘缺釋文作傲

讒人至為也

宋本讒誤護

故留公宮以自明

淳熙本以誤必

長府官府名

宋本淳熙本小字宋本岳本足利本無長府

正義曰例

此脫釋字閩本監本同毛本遂刪例字宋本

沂水出東莞蓋縣

閩本監本脫水字

南經琅邪東海

毛本邪作琊俗字

將蘊

釋文亦作蕓注同云本亦作蘊淳熙本小字宋本纂圖

陷西北隅以入

釋文云隅本或作竭音同山井鼎云足利本

冰墳丸蓋

宋本淳熙本小字宋本墳作墳宋本正義同詩

鄭風正義及六經正義所引亦並從牛下同又

是箭筈

纂圖本是誤又

遊無倨

毛本遊作游案曲禮無作母

君自可止○

宋本○作住是也閩本監本毛本脫住字○今訂正

謂先往至野井

淳熙本往誤注

故特牲

宋本故下有郊字是也

失魯國也

宋本失上有必字是也

戮力壹心

石經宋本淳熙本岳本戮作勦與釋文合

伏兵

閩本監本兵作道非也

左師至而歸

毛本師下增展將二字

宋元公將為公故如晉

閩本監本宋下衍公字

服而相之

宋本以下正義二節摠入宋公遂行節注下

且召六卿

石經宋本且作旦毛誼父六經正誤云且作且誤也

獲保首領以歿

石經宋本淳熙本小字宋本足利本作以沒是接依說文當作物

私降昵宴

淳熙本降作除非也說文昵字下引傳作私降昵燕案昵暱之或體

弗敢失隊

石經隊作墜

君命祇辱

宋本岳本纂圖本毛本祇作祗注及釋文同石經作祗是也○今訂正

亦是圍而不得

監本圍字模糊重脩監本遂誤國

注僕句至地名

宋本以下正義二節摠入會曰僕句節注下

掌貨物使有常價

監本毛本常價作長賈賈是也長非也

賈師二十四則一人

宋本四作肆與周禮地官序官合

辨其物而均平之

宋本閩本監本辨作辯

故使賈正通計簿於季氏

浦鏜正誤通改送

以戈楯伏諸桐汝之間

淳熙本伏誤杖

附釋音春秋左傳注疏卷第五十一

止

春秋左傳注疏卷五十一按勘記

